


特 別
A18
4892
30





八 18
4892
30

明詩綜卷九十五

屬國

小長蘆 朱彝尊 錄

錫山 秦敬然 緝評

高麗

靜志居詩話高麗文教遠勝他邦自元以前詩曾經大司成羅林在溘
彥明父選錄曰東人之文凡二十五卷度必有可觀惜無從訪求今
之存者僅會稽吳明濟子魚朝鮮詩選而已牧齋錢氏為王氏諸臣白
冤可謂發潛德之幽光矣予更證以高麗史東國通鑑東國史略殊域
周咨錄皇華集輯軒錄訂其異
同補其疎漏論次稍加詳焉

僕 遜

遜回鶻人初名百遼世居僕輦河因以為氏家
世仕元順帝時中進士歷翰林應奉文字宣政
院斷事官選為端本堂正字恭愍王七年避兵

東來賜第封高昌伯改封富原侯有近思齋逸
臺

山雨

一夜山中雨風吹屋上茅不知溪水長祇覺釣船高

鄭夢周 三首

夢周字達可高麗迎日縣人初名夢蘭又名夢
龍既長改今名恭愍王九年應舉擢第一人累
官政堂文學進三司左使改進賢館大提學知
經筵春秋館事兼成均大司成領書雲觀事初
封永原君加封益陽郡忠義君為李成桂所殺
梟其首于市籍其家後贈大匡輔國崇祿大夫

領議政府事修文殿大提學兼藝文春秋館事

益陽府院君謚文忠有圃隱集

錢受之云辛禡發兵犯遼東李成桂倡牛金之

議廢禡子昌立又放之威權日盛羣小趨附欲盡殺宰相李穡等恭讓王瑋孤立無倚乃與夢周謀成桂洪武壬申成桂敗于海州佯墜馬稱疾夢周大喜以為可圖召還穡將以殺成桂成桂子芳遠遣趙英珪要下路殺之洪武實錄載朝鮮事云成桂既立其國都評議司奏言禍犯遼陽成桂力阻之鄭夢周實主其議以故深怨成桂瑋立從史瑤殺成桂及鄭道傳等國人奉安妃命放瑤而立成桂此成桂來告之辭史官按而書之者也以東國史參考之王顯既弒夢周以諫阻此使被放再朝京師深荷優遇寧有主謀犯遼之事攻遼之役成桂實在行於夢周何與夢周之欲殺成桂為其謀篡也非謂其阻攻遼也夢周不死成桂篡必不成既殺夢周以竊國又藉口攻遼委罪夢周以自解免史官信其欺謾按而書之不亦冤乎東國之史出朝鮮臣子之手尊成桂父子曰太祖太宗曲為隱諱而夢周不附成桂之事謹而書之不沒其實正德中麗人修三綱行實忠臣以夢周為首國有人焉豈非箕子之遺教與
詩話靖難君臣改修明太祖實錄因方孝孺而其父克勤循吏也乃沒其實黃觀景清修書傳會選而削其名且誣方先生叩頭乞哀觀於鄭趾高麗史夢周圖李成桂不克為芳遠所殺芳遠猶知贈官易名麟趾等亦直書其事是篡竊之芳遠賢于長陵而下國之史官勝于楊士

奇輩多矣
可歎也夫

感遇

人心如雲雨翻覆在須臾素絲變其色安能復厥初
啞啞羣飛鳥集我中田廬雌雄竟莫辨涕泣空欷歔

錢受之云高麗

辛禍王淫而不德侍中李成桂有異志夢周一國重臣憂權之下移悲而歌之其志遠矣

使日本書懷

水國春先動天涯客未行草連千里色一作綠月共故鄉明
游說黃金盡思歸白髮生男兒四方志不獨為功名

偶題

赤葉明邨徑清泉漱竹根地偏車馬少山氣自黃昏

李 穡 一首

穡字穎叔中征東省鄉試第一明年赴元廷試
擢二甲進士授應奉翰林文字累官政堂文學
封韓山府院君進位門下侍中與鄭夢周同謀
去李成桂放于韓州再放衿州徙驪興尋封韓

山伯卒謚文靖有牧隱集

錢受之云高麗自政歸李氏穡與夢周立昌擁禍思奪社稷於

成桂之手而延王氏一綫之緒東史稱其與夢周同心終始不變臣節可不謂忠乎成桂之放穡以辛氏為口實而東史亦曰宋儒謂元帝本非馬宗東晉大臣以國勢有歸不得已而安之穡于立辛不敢異議亦此故也李氏專政有年國柄在手竊國二百餘年皆其臣子悠悠千古誰與辯牛馬之是非乎定哀多微詞東史有焉

早行

凌晨問前路曉色未全分帶月馬頭夢隔林人語聞樹
平連野霧風細繞溪雲異國堪愁絕南天無鴈羣

李崇仁 一首

崇仁字子安京山府人恭愍王時登第官至簽書密直司事同知春秋館事李成桂篡立以鄭夢周黨削職遠流有陶隱集

錢受之云成桂篡國之日東國之臣子不忍背王而事李者穉夢周之外崇仁其矯矯者也夢周謀李之日崇仁與穉偕名成桂篡立之後崇仁又與穉偕貶則崇仁為王氏之忠臣可知矣

挽金太常

禮儀今太叔史學昔公羊四十人間世千秋地下郎空庭餘敗草老樹逼一作斜陽俯仰成陳迹經過只自傷

李 詹 一首

詹洪州人恭愍王時及第授藝文簡閱三轉為正言歷知申事

雜咏

舍後桑枝嫩畦西薤葉稠陂塘春水滿穉子解撐舟

權 近 一首

近初名晉字可遠一字思叔號陽邨高麗秀才有應制集

詩話陽邨至京師高皇帝優禮待之賜衣賜食爰命賦詩陽邨先之以本國廢興之由道塗經過之所次之以本國離合之勢山河之勝與夫鄰境之情形兼述東人感化之意既成精華炳蔚音響鏗鏘帝覽之稱歎因命與劉公三吾許公觀景公清戴公德彞張公信輩偕游南北市來賓重譯鶴鳴醉仙諸樓帝又賜以御製三詩此洪武丙子歲事建文四年春朝鮮恭定王李芳遠令知申事朴錫下議政府鑄板以行於是嘉靖大夫藝文館提學國人李詹暨奉使翰林史官兵部主事金陵端木孝思均為作序而淮南陸壘番陽祝孟獻題詩其後焉陽邨賜游酒樓實錄未之載予所見應制集則天順元年朝鮮本也

題鶴鳴樓

鶴鳴樓上久徘徊環珮珊珊緩步來已喜清歌和寶瑟
况看纖手奉金杯南臨帝甸山河壯北對天門日月開
得被內臣宣聖澤六街三日醉扶回

權 遇 一首

遇爵里未詳

竹長寺

衙罷乘閑出郭西殘僧古寺路高低祭星壇畔春風早
紅杏半開山鳥啼

金九容 一首

九容初名齊閔字敬之安東人中進士拜三司
左尹與李宗仁權近等上書都堂阻迎北元使

竄竹州名爲左司議大夫終成均大司成尋流

大理衛有惕若齋集

詩話敬之年十六中進士國王命賦牡丹詩敬之居首既因諫
迎元使被流扁所居曰六友堂以詩酒自娛亦瀟灑之士也

江水

江水東流不復回雲帆萬里向西開菰蒲兩岸微風起
楊柳長隄細雨來別夢遠迷箕子國旅愁獨上楚土臺
行行見說巫山近一聽猿聲轉悲哀

趙云佐 一首

云佐高麗豐壤縣人恭愍王六年登第調安東
書記累轉閤門舍人以刑部員外郎從王南幸
遷國子直講歷全羅西海楊廣三道按廉使辛

禍三年起授左諫議大夫辛昌立召拜僉書密直司事升同知恭讓王二年出為雞林府尹李芳遠篡立授江陵大都護府使以病辭又拜簡校政堂文學不授祿

詩話云佐以典法即退居尚州露陰山下自號石礪棲霞翁出入騎牛超然有世外之想及轉判典校復退居廣州古垣江邨營板橋沙平兩院自稱院主敝衣草履與役徒同勞苦李氏竄立爵祿不受臨終自誌其墓云趙云佐本豐壤人高麗太祖臣平章事趙孟三十代孫恭愍代興安君李仁復門下登科歷仕中外佩印五州觀風四道亦無聲績亦無過譽年七十三病終廣州古垣城無後以日月為珠璣以清風明月為奠而葬于古揚州義差山南銘曰孔子杏壇上釋迦雙樹下古今聖賢人豈有獨存者可謂欽奇跌宕之士矣錢氏列朝詩定為嘉靖中人然當以鄭氏高麗史為正

即事

荆門日午喚人開步出林亭石滿苔昨夜山中風雨惡

一溪流水泛花來

朝鮮

詩話高麗朝鮮一也然王氏建國本名高麗迨李氏稱藩始更朝鮮未可以王氏死事之臣入之朝鮮也今以李芳遠篡位之後諸陪臣別為朝鮮庶幾無斥通鑑綱目書法

鄭道傳一首

道傳官右軍總制使芳遠立召為奉化郡忠義

君 錢受之云洪武三十年帝覽朝鮮表辭侮慢使者言是鄭道傳所撰帝遣索道傳王旦諉云表出鄭總等三人帝諭旦云開國承家小人勿用如鄭道傳乃小人之尤者在王左右豈能助其為善此非三韓之福也按李成桂專國道傳傾身附之太祖索道傳於彼中雖明知其不我予其所以寒亂臣賊子之心者至矣

重九

故園歸路渺無窮水遶山圍第幾重望欲遠時愁更遠

登高莫上最高峰

曹庶一首

庶嘗使明流金齒國道經五靈廟題詩

五靈廟

邨南邨北雨淒淒古廟靈風楊柳低十里江山看枕上
竹林深處午雞啼

鄭希良一首

希良爵里未詳

偶題

十年一劔平戎勳業蕭條歎轉蓬瘴氣曉來雲似墨
山容霽後雪為峰地連龍穴天多雨門對鯨波畫亦風
幾被故人吟桂樹客牕落莫傲歸鴻

朴原亨 三首

原亨官戶曹判書調刑曹判書

詩話天順元年使朝鮮者翰林修撰吳陳鑑緝熙太常博士會稽高閔
居平三年奉使則刑科給事中餘姚陳嘉猷世用四年奉使則禮科給
事中海鹽張寧靖之原亨凡三充館伴靖之贈詩云朝
鮮賢臣朴判書老成文物非凡儒蓋其國中翹楚也

登漢江樓次張黃門韻 二首

遠岫橫如黛芳郊綠漸平歸鴉翻夕照啼鳥弄春晴暫
得新知樂還教別恨生關山逾萬里何處望燕京
春光方浩蕩嵐翠轉霏微雪浪搖歌扇汀蘭襲舞衣素
鱗時潑潑輕燕已飛飛景物看如此從教緩緩歸

渡大同江次韻

遠傳丹詔促行裝暫駐星槎沮水陽江浦雪消春意動
郵亭日暖客懷長一杯且可酬佳節萬里無勞憶故鄉
野闊天低山似画不禁詩思入蒼茫

申叔舟 二首

叔舟字汎翁自右弼善歷禮曹判書積官至議
政府領議政以功封高靈君有汎翁集

詩話考叔舟於景泰二年八月國人鄭麟趾進高麗史表修史官三十
二人叔舟與焉書銜曰中訓大夫集賢殿直提學知制敎世子右輔德
兼春秋館記注官知承文院事臣申叔舟天順元年官議政府右贊成
四年進左議政成化七年十二月奉國令撰海東諸國紀書成序序書
銜曰翰忠協策靖難同德佐翼保社炳幾定難翊戴純誠明亮經濟弘
化佐理功臣大匡輔國崇祿大夫議政府領議政兼領經筵藝文館春
秋館弘文館觀象監事禮曹判書高靈府院君臣申叔舟紀書日本代
序及八道六十六州頗詳所著詩集二十卷孫從漢編寧都董尚書越
使其國
爲作序

陽德驛

北塞歸遠塗千里度陵谷日暮投陽德館宇半茅屋輕
風吹枯枝短垣依斷麓雨歇低行雲山深聽鳴鹿坐久
正蕭然清溪走寒玉遠客自無寐呼童剪殘燭

次韻登漢江樓

綺席登樓迴春江碧玉流早梅香澗曲芳草滿汀洲賓
主歡情洽江山喜氣浮良辰須酌酹莫惜更遲留

權 孳 三首

孳由吏曹判書累遷右議政

詩話陳縉熙使朝鮮國人賦詩繼和者自朴原亨申叔舟外有若仁順
府尹寶文閣提學金守溫領議政鄭麟趾禮曹參判盧叔全禮曹判書
洪允成兼成均司成金鈞金末左承旨曹錫門而權孳爲之作序書銜
曰吏曹判書集賢殿大提學知春秋館事後二年進議政府右贊成明

年進右議政其序略云詩者人心之感物而形於言也心之所感既不能無邪正故言之所形亦不能無是非惟聖人在上則人皆親被其化以成其德有以得夫性情之正故其所感而發於言者粹然無不出於正矣其持論頗中繩尺

登漢江樓 二首

南樓初縱目檻外俯長流雪盡落梅塢春深芳草洲湖
光晴灩灩山氣暖浮浮使節陪登眺斜陽更挽留
城南一樽酒相對暮山青小艇橫前渡孤帆落遠汀江
雲連復斷主客醉還醒落筆龍蛇動高懷入窈冥

楊花渡次陳給事韻

山亭置酒近江渚興至頻傾白玉卮萬里歸來多客恨
一時登眺得神怡高標已覺冰霜操新調還聞白雪詞
北去他年如記憶也應飛夢到遐陲

尹子雲 三首

子雲官都承旨

登漢江樓次韻 三首

高軒時暫駐勝地許相招詩律吟邊改愁懷醉後銷汀
花經雨動岸柳受風搖忽起中流興春心付短橈
何處窮遐矚丹梯近百層陽坡先有草陰壑已無冰美
景時相引風懷晚尚仍欲成賓主好觴詠正堪憑
風光觸處好春氣望中微山淨濃如画江深綠染衣夢
隨蝴蝶亂心逐野雲飛人世難開口惟須倒載歸

李克堪 一首

克堪官左承旨

登漢江樓次韻

遲日晴方好和風暖更微山陰追禊事沂上換春衣劇
飲金卮滿清譚玉屑飛牆頭輕燕舞有意惱人歸

徐居正 一首

居正字剛中議政府左參贊有北征藁

詩話成化丙申祁主事順使朝鮮居正充遠迎使既為館伴因時與倡和為序其北征藁北征藁者天順庚辰居正奉王命入覲而作也順稱其博古通經長篇短章淵淵乎有本浩浩乎不窮與中國之能詩者殊不相遠云

即事

小沼如盤水淺清菰蒲新發荻牙生連筒引却前溪水
養得芭蕉聽雨聲

申從濩 一首

從濩叔舟孫官成均直講

傷春

茶甌飲罷睡初輕隔屋聞吹紫玉笙燕子不來鶯又去
滿庭紅雨落無聲

許琮 六首

琮字宗卿安興人由進士為吏曹判書積官至
參政府議政有尚友堂詩集

詩話孝宗即作之初以右春坊右庶子兼翰林院侍講寧都董公越工科右給事中上元王公敞頒詔于朝鮮宗卿時為館伴繼和之作綽有唐人風格句如春歸飛鳥外天闊落帆中細雨全沈樹孤城半帶烟東風瓜蔓水斜日竹枝歌風急擗羊角波翻起鴈羣官橋晴曬網野渡晚維舟俱清婉可誦董公為作序稱其音律諧暢蕭然出塵非虛譽也董公後任至南京工部尚書贈太子少保謚文僖王公亦仕至太子少保兵部尚書贈太子太保宗卿祖愔字原德官奉嘗有梅軒集曾祖錦字在中官判書有野堂集見龔吳兩公序

登浮碧樓次韻

渚草平如翦江雲濕不飛餘霞飄綺席新浪濺苔磯古
寺蘿垂壁漁家水浸扉眼前多少景惆悵客將歸

安興道中次王黃門韻

韶光如酒著人迷漫把霜毫取次題山北山南春雨歇
隔林紅日鶉鳩啼

登鳳山樓次韻

獨倚雕闌帽影斜客中衰鬢已非鴉不禁杜宇聲聲苦
啼盡東風第一花

松林晚照次韻

一邨桑柘夕陽微芳草叢生柳絮飛已過蘭亭修稷後

風寒猶未著春衣

所串館道中即事次韻二首

數株官柳野橋傍飛絮紛紛撲馬香江雨欲來龍氣黑
水風吹作十分涼

家在江南水竹邨鳥啼花落掩柴門年年犇走東西路
坐席何由得暫温

成 倪 一首

倪西京觀察使

詩話朝鮮兵曹判書魚世謙弘治元年序皇華集錄倪詩四首王尚書
稱爲成中樞又稱成同知又爲作風月樓記則云西京觀察使惜成化
一朝奉使之詩無存未能詳考矣

擬古

今日良宴會嘉賓滿高堂綺肴溢雕俎美酒盈金觴左
右燕趙姬眉目婉清揚朱絃映皓腕列坐彈宮商流年
雙轉轂倏忽鬢已霜相逢且為樂何用苦慨慷金張竟
何許纍纍歸北邙

成侃一首

侃爵里未詳

羅嘖曲

為報郎君道今年歸未遲江頭春草綠是妾斷腸時

盧公弼二道

公弼安州人官戶曹判書

詩話弘治五年兵部郎中南昌艾璞德潤使朝鮮公弼充遠接使亦有詩贈答知成均館事洪貴達序之

開城太平館次艾兵部韻

斜陽策馬過孤城想像當年玉作京國破山河渾似舊
時平民物不知兵春深古館生禾黍水涸荒池插稻稭
往事悠悠何處問鶴歸華表月空明

鳳山樓次董內翰韻

畫樓登眺帽簷斜苔壁詩成字點鴉幽興未闌天欲暮
一簾疎雨落桐花

李荇三首

荇字擇之官議政府右贊善

詩話世宗入繼大統嘉靖元年奉使朝鮮者翰林修撰欽唐皋守之兵科給事中涿州史道克弘其時館伴惟荇詩最多餘若金議政冷南議政袁鄭寺正士龍李寺副希輔尹承旨希仁徐承旨厚蘇司成世讓李判書沆又不知爵秩者二人洪淑成雲皆有廢酬之作然必以荇為巨

馬

開城館次董圭峰韻

行行縣道路日日困風沙去壑悲流水投林羨暮鴉窮冬催暖律宿草欲新牙更憶吾廬好寒梅幾樹花

過臨津江

臨津催早發問渡即清江緩擊中流楫徐牽上水艘寒魚依石竇曉日照篷牕有客忘機坐飛來白鳥雙

答鹿峰給事

歸袂怱怱不可攀銷魂祇是黯然間鹿峰正在千山外鳳節全無半日間今日預將詩作別他宵何忍月同還此生難復陪清賞悵望雲霄玉笋班

李希輔 二首

希輔字和宗由禮賓寺副正歷官同知中樞府事有安分堂詩

蔥秀山坎唐先生韻

客行值殘臘長程催短景天寒鬚易冰葉脫木無影揮鞭發安城露濕衣袖冷迤邐度雲漢邂逅逢峻嶺緬懷董學士曾此憩夔靜突兀數尺碑其文信蔚炳往事浮雲空幾年孤此境茲山真自幸四牡又來騁留詩繼前賢頓覺仙凡迥而我苦鴛緩古訓蒙不省何幸接詞源飛流激奔猛涯涘不能窺况敢得要領無心和陽春有懷徒耿耿願言借餘光破我心昏冥

次唐修撰夜宿太平館醉起韻

雄辭海生波醉墨鴉翻壁無使我公歸於焉作佳客

蘇世讓 八首

世讓字彥謙初官成均館司成遷戶曹判書歷
議政府左贊成有清心堂詩

詩話彥謙自嘉靖元年即與使臣唱和至十六
年十八年凡三克館伴詩雖平行亦稱具品

箕子操

天疾威予不祚我商日盲盲予未見日光王聖善予我
無良欲瞑我目予羞我先王吁嗟乎我寧為奴子寧忍
發出狂

東方五章荅陳給事

維我東方有山蒼蒼有水泱泱君子戾止維其有章
我有嘉賓我心則愉貽我以佩琚
我有嘉賓既敬且久貽我以佩玖
何以報之報之以椒蘭有德斯馨唯以永歎
何以報之報之以芰荷服之無斃其樂如何

蔥秀山次唐先生韻

我竝青山行山行信多景淵潭清見底杉檜翠交影况
當沍陰天風日淒以冷蕭蕭晚雨霽突兀見斯嶺巖巒
互迴合洞壑極沖靜有如画圖開不用丹青炳曩時董
學士探勝得真境眷茲心賞諧更將文字騁至今凜清
風木覺歲月迴賞音會有人三妙復來省陽春一繼和

筆力肆豪猛小子忝後塵盛事心已領攬舊又感今中
懷益耿耿况吟久佇立前峰欲含暝

漢江陪宴

斷徑緣崖轉高樓面水開杯盤供宴賞歌鼓殷晴雷沙
遠迷烟樹潮迴沒釣臺江山如許勝應為使星來

荅鹿峰給事

珍重龍門豈易攀屢承清誨笑談間極知後會終無地
其奈前程苦未閒佳境總為忙裏過好詩空貯橐中還
明朝悵望雲山遠杳杳仙蹤隔鷺班

良策道中次韻

春陰釀雨欲淒迷長路愁衝滑滑泥奔霧逐風歸遠岫
亂流經野赴前溪潮從小浦平時上燕掠平蕪盡處低
高卷湘簾望山氣夕陽猶在短峰西

太平館次韻

望眼山連北歸心月向西羈魂與別恨愁殺五更雞
初見杜鵑花次雲岡修撰韻

際曉紅蒸海上霞石崖沙岸任欹斜杜鵑也報春消息
先放東風一樹花

鄭士龍一首

士龍字雲卿鼎津人由內資寺正遷刑曹判書
歷漢城府判尹改戶曹判書再改吏曹判書階
資憲大夫有湖陰草堂詩集

詩話雲卿嘉靖中五充館伴道交禮接為羣公所稱唐守之贈詩云鄭子有詩才豈在鷓鴣下龔雲岡則謂其沉着冲澹不為綺麗豔冶之辭有唐人之遺意嘗築十玩堂于鼎津十玩者竹梅松菊水石并楮研筆墨而十也守之及史給事克弘皆為之賦詩及華亭張行人承憲奉使國王刊其詩入皇華集俾雲卿序之謂古之詩人類皆有為而作未嘗為無益之辭是亦得詩人之旨者也句如不謂交歡地翻成送別亭具饒韻致

長虹

垂虹屈曲跨清波藻荇香中笑語過恰似松江三百尺
樣船聞唱采菱歌

金安老 二首

安老字頤叔歷官議政府左議政領書筵監春秋館事兼弘文館藝文館大提學知成均館事
階崇祿大夫有明虛軒集

詩話朝鮮君臣最稱好事使者輜軒一至即命館伴遠迎屬和詩章連篇累牘龔修極用卿鳴治吳給事希孟于醇於嘉靖十六年奉使國王遣陪臣十人陪燕漢江之上汎楊花渡登龍頭峰縱觀江山之勝十人者金議政安老蘇判書世讓尹判書仁鏡金參贊麟孫沈判書彥光吳判尹潔許參贊洽鄭判書士龍許參判沆朴承旨洪麟皆國中名士此外復有金議政謹思尹議政殷輔黃承旨憲朴承旨守良黃承旨琦鄭參判百朋開城韓留守曾昌京畿金觀察希說平安道李觀察龜齡中樞李同知希輔咸有詩篇繼和極東國一時之盛皇華是集安老實序之

望遠亭次韻

幽興牽人惱遊蹄豈惜遙殘雲橫浦口飛鷺割山腰江
穩開輕纜潮生沒斷橋異鄉歸思促心趁紫宸朝

漢江陪宴次韻

人間不信有丹丘漢水仙舟即十洲夕日蘸波紅漾漾
江烟連樹翠浮浮晴川有句還題壁長笛何人更倚樓

天上明朝遙悵望遐陬能復記茲遊

尹仁鏡 二首

仁鏡由禮曹判書改戶曹積官至議政府領議政

太平館次韻

紅惜花飄岸青憐柳拂橋江風吹颯颯蓬雨打蕭蕭簾卷樓橫笛山空谷響樵雙旌拚賞去回首海天遙

登漢江樓次韻

郭外澄江江上臺登臨頓覺隔氛埃遙山雲斂雨初霽極浦波平潮又來明月似迎星使出輕帆須趁晚風開佳辰佳境兼佳客乘興休停到手杯

金麟孫 一首

麟孫官議政府左參贊

次韻別吳副使

臨分盡醉側烏紗長路高低日易斜好雨多情知滑道輕風惜別解飛花留春縱欲兼留客戀闕其如又戀家一去茫茫遼薊遠銀河何處問仙查

沈彥光 一首

彥光字子求官吏曹判書

詩話子求望遠亭詩有白鴈依寒渚青驢度小橋之句頗饒晚唐人風韻徐敬德花潭集有次留守沈相國彥慶韻詩當是其弟

太平館次韻

春鳥花邊啼暮鴉樹頭宿何事遠游人不秉良宵燭

許洽一首

洽參政琮之孫官至議政府右參贊

詩話洽與弟沆俱有時名嘗集其先世詩號陽川世豪沆官吏曹參判兄弟皆執國政詩有漁店日斜遙笛起海門風急曉帆開之句亦覺爽氣殊倫

漢江陪宴次韻

綠水靈源自五臺新添好雨絕塵埃長洲芳草移船近
遠渚輕鷗避櫂來景物盡供今日興襟懷須向此中開
猥參勝引非吾分擬向巖前倒玉杯

國有酒巖酒流出其下

金謹思一首

謹思官議政府領議政

別吳副使次韻

方空歲歲感輕紗半榻香烟一穗斜萬里往來蝴蝶夢
三春開落杜鵑花吹殘遠笛誰懷土過盡良辰不在家
日暮關山雲樹隔天津何處泊靈查

尹殷輔一首

殷輔官至議政府領議政

游漢江次韻

江上天然百尺臺澄波無綠鏡無埃茫茫極浦舟南北
渺渺長空鳥去來汀草有情吟外碧岸花隨意望中開
叨陪高會誠踰分乘興還須倒百杯

黃琦一首

琦由承政院右副承旨遷都承旨

開城

白駒難自繫青眼更離筵江海相忘處烟波欲暮天落花飄醉袖芳草入吟鞭翰墨真餘事功名正妙年

金安國 一首

安國字國卿號慕齋官刑曹判書至領議政有

慕齋集

詩話使東國者前有張芳洲後有華鴻山皆中朝之詩伯鴻山至口館伴十有一人非不每篇踵韻然中律者寡矣十一人者議政府領議政尹殷輔議政府右議政金克成議政府左參贊柳灌戶曹判書尹仁鏡吏曹判書成世昌禮曹判書李龜齡工曹判書尹世豪漢城府判尹鄭士龍承政院都承旨黃琦左承旨申瑛及安國也鴻山留國中僅五日而返此見於皇華集者不能多焉

開城太平館次韻

溫鞞陵廢井空青種稼田荒但記名舊跡不隨時代滅

停驂落日一傷情

申光漢 一首

光漢字漢之由吏曹判書官至正憲大夫議政府左參贊兼知成均館事弘文館藝文館大提學同知書筵春秋館事有企齋集

詩話舊典使于東國必命儒臣給舍迨嘉靖二十三年恭僖王薨遣使賜謚及賻改命司禮監太監郭敬副以華亭旅行人承憲於是中官偕行道塗無酬答之作禮成而返乃緘詩以寄國人爰有吏曹判書申光漢議政府右贊成柳仁淑成均館司藝林亨秀禮曹正郎李洪男戶曹參判沈連源黃海道觀察使權應挺和與追和之仍刊為皇華集一卷而鄭士龍為作序

暮景

樹密深濃翠孤烟澹作雲前邨聞犬吠暗路草中分

林百齡 一首

百齡官議政府右議政

詩話張行人既使東國諭祭恭僖王擇禮成而返明年榮靖王咭復薨於是別選廷臣遣行人長安王鶴往賜祭及謚陪臣以詩贈答議政府右議政林百齡禮曹判書尹澗工曹判書任權吏曹參判慎居寬成均館大司成李潤慶司藝崔演承政院右副承旨洪敘疇奉常寺僉正朴忠元開城府留守李深京畿觀察使宋麒壽而鄭士龍尹仁鏡申瑛李洪男亦與焉

游漢江次韻

王室千年作翰藩欣聞使節頌聲喧登樓未倦陪歡賞
汎水還容接笑言舉網漁人貪似獺操舟穉子捷於猿
夷猶領得滄洲趣還向春風望故園

李潤慶 一首

潤慶官成均館大司成

漢江次韻

漢江形勝表東藩使節登臨鼓吹喧對景每憑詩遣興
通情猶借譯傳言忘機自幸參沙島隨世何殊束檻猿
回首風光堪遠矚雨催新綠遍郊園

李深 一首

深官開城府留守

詩話花潭集有贈留守李相國深詩

泛臨津江

臨津傳勝事駐節是仙舟烟幕沙邊樹風迴水面鷗笑
談情不淺詩酒興難收絕域萍蓬會無忘此日游

徐敬德 二首

敬德朝鮮生員有花潭集

詩話花潭講學專以周邵為宗詩亦效法擊壤以金安國引薦授參奉
力辭集中酬和者李相國潔朴相國祐沈相國彥慶李留守龜齡金都
事洪林正字蒼沈教授義張教授綸趙上舍玉沈別提宗元朴參奉既
而朴民獻頤正金漢傑士伸趙昱景陽金惠孫彥順以及黃元孫許太
輝等疑皆從
游講學者也

山居

花潭一草廬蕭灑類仙居山色開軒近泉聲到枕虛洞
幽風澹蕩境僻樹扶疎中有逍遙子晨朝聞讀書

靈通寺次題壁韻

松溪一路入青林林下禪居晝亦陰觸石泉流三面轉
倚天山色萬重深清歡直欲朝連夜勝引應難後繼今
數局枯碁談笑裏不知雲日已西沉

辛應時一首

應時官校書館校理

詩話隆慶元年以即位頒詔朝鮮歙縣許公國南昌魏公時亮持節以
往是時恭憲王暉又薨兩公返命共成詩一卷國中屬而和者止工曹
判書朴忠元一人議政府左贊成兼知書筵春秋館事洪暹序之曰小
邦不幸兩公之來適丁大戚滿目愁慘無意於覽物輒題逐篇和進亦
非有喪者所當為所以倡之少而和之寡也於此足徵其為秉禮之國
矣明年衡陽歐希稷以行人奉使館伴辛應時朴淳等始復有贈送詩
焉

送歐大行還朝

鴨綠江頭送櫂聲東風吹淚若為情人間離別傷今日
天上音容隔此生衡浦鴈迴驚遠夢洞庭春盡渺歸程
遙知萬里相思處南斗橫斜片月明

朴淳一首

淳官吏曹判書

太平樓次歐公韻

來遊萬里魂應斷獨倚青冥思更賒天闊楚鄉飛客夢
路窮蓬海駐仙查山連睥睨雲長暝春半池塘草欲花
簾外夕陽看漸沒消愁惟有醉流霞

李珣 二首

珣德水人官議政府右贊成

詩話吾鄉萊陽黃公以編修使朝鮮在萬曆十年八月自珣以下三人暨許狀元鈞皆充館伴者也

辱編修黃公示沿塗之作賦呈

丁年行役記吾曾遼薊修塗客念憑歷歷道邊孤店月
依依天上早朝燈身回蝸殼何由轉班入蛾眉不再能
玉署新詩分物色瑤臺指點一層層

送黃公還朝

長川冰雪覆寒沙此日愁聞入塞笳兩地雲泥分席上
一江南北即天涯徒勞永夜游仙夢漸遠明河貫月查
珍重詩篇兼贈處媿將燕石報瓊華

金瞻 一首

瞻官吏曹佐郎

送別正使黃公還朝

月落關城鼓角鳴星軺夙駕向神京長江自昔分南北
兩地從今隔死生接塞凍雲迷別路亂山晴雪照行旌
那堪獨夜龍灣館愁對寒燈夢不成

高敬命 一首

敬命官司瞻寺僉正

別正使黃公

好音無路託西歸
心逐仙查自奮飛
鴨水寒波添別淚
鵲岑晴雪點征衣
謾將便面藏懷袖
何計承顏御勒鞿
匏繫海濱身已老
百年形影欲誰依

柳根一首

根字晦夫狀元自號隱屏居士有西垞集

詩話蘭嵎諸公以萬曆丙午使東藩柳晦夫李孝彥許端甫為館伴公攜有唱和詩卷歸墨蹟今存子家

萬曆丙午五月送朱蘭嵎太史還朝

玉筍東來鳳詔頒
暮春江上乍承顏
高懷獨出形骸外
雅賞長存水石間
目斷未堪魂夢遠
形留只得鬢毛斑

相思別後如明月
萬里清光不可攀

李好閔一首

好閔字孝彥探花樞相有五峰書巢集

郊院別席

西郊菡萏綠盈池
折得芳華贈別離
此去金臺情不斷
寸心真似藕中絲

許筭三首

筭舉進士第一萬曆壬午官成均司成

熊州引一作字情引

熊州樓觀飛雲外
白簡霜威凌阜蓋
組練三千引繡衣
羅裙二八鳴珠帶
九華之帳香氤氳
寂寂瓊樓午夜分

日言終卷九十五
五
苧里佳人嬌薦枕巫山仙子渺行雲牽情夢罷看歸路
別恨迢迢隔烟霧妾心苦作藕中絲郎意何如荷上露
錦水東西楊柳新往來愁殺斷腸人欲將心事寄青鳥
芳草年年空復春

錢受之云朝鮮祖述唐宋故事驛亭皆設官妓詩以弘文館遷臺諫按部行縣其所遇歌妓若此

謝編修黃公惠詩扇

越索傳輕篋良工制作勞古藤分剡曲寒竹截湘皋灑
落留清什飄揚動彩毫書因逸少重價為謝安高自得
雙金贈還同一字褒年年火雲日長是憶仙曹

奉別正使黃公

迢遞飛旌入漢關鴨江晴雪展冰紉仙蹤已隔雲霄外
晤語猶存夢寐間中歲不堪頻送客此生難卜再承歡
空餘一握蒲葵扇分得清風滿袖還

許筠 三首

筠字端甫筠之弟與兄皆舉進士第一自號白
月居士

送參軍吳子魚還天朝

國有中外殊人無夷夏別落地皆弟兄何必分楚越肝
膽每相照冰壺映寒月倚玉覺我穢唾珠復君絕方期
久登龍遽此成離訣關河路險巖秋郊方蠲熱此去慎
行休毋令阻回轍東陞尚用兵海嶠日流血須憑魯連
子却秦掉寸舌勿嫌九夷陋勉狗壯夫節

陪吳參軍子魚登義城

平野垂天末長江接海流雨餘多牧笛風急少行舟獨
鶴盤雲去雙鳧就渚浮相憐無限意空憶仲宣樓

晚詠

重簾隱映日西斜小院回廊曲曲遮疑是趙昌新画就
竹間雙鶴坐秋花

金尚憲 四首

尚憲字叔度有朝天錄

聞柝

擊柝復擊柝夜長不得息何人寒無衣何卒饑不食豈
是親與愛亦非相知識自然同袍義使我心肝割

九日

黃縣城邊落日朱橋驛裏重陽菊花依然笑客鬢髮又
度秋霜

早春

水際城邊野馬飛漸聞宮漏晝間稀東風日日薜蘿綠
塞北江南總憶歸

初至登州

南商北客簇沙頭畫鷁青簾幾處舟齊唱竹枝聯袂過
滿城明月似揚州

崔澱 二首

澱字彥沉海州人進士有楊浦集

李栗谷云彥沉詩似丹穴鳳雛聲纔出穴已足驚人讀之風露爽然殆非食烟火人語置之盛唐詩中亦無媿也 鄭經世云彥沉信口吐詞皆成瓊屑 任叔英云彥沉服膺盛

唐其詩清
越俊逸

詩話彥沉八齡能詩年十八中進士二十二而沒嘗輕衫幅巾登鏡浦
臺倚柱而吟大書于壁曰蓬萊一入三千年銀海茫茫水清淺鸞笙今
日獨飛來碧桃花下無人見國中疑為真仙許筠愛而和之其逝也李
廷龜申欽鄭協李綏祿趙續韓具寬韓浚謙皆賦詩以悼寇詩有云楊
浦烟花三月酒匡山風
雪十年燈句亦自佳

春日

楊柳依依江水生杏花如雪落無聲青霞卷盡画樓出
中有玉人吹玉笙

贈人

碧溪哀玉響楓林山水孤懷恣遠尋仙子不來秋已暮
古樓斜日獨登臨

李廷龜 一首

廷龜號栗谷

崔彥沉輓詩

有友今亡矣無端夢見之長尋臨訣語獨紀贈行詩宛
爾龍蛇字森然玉雪姿青山一杯土衰白淚雙垂

明詩綜卷九十五上

明詩綜卷九十五下

屬國

小長蘆 朱彝尊 錄

龍眠 方世舉 緝評

朝鮮

下

林 悌 一首

靜志居詩話自悌至李仁老詩見朝鮮采風錄其官爵世次未詳姑系於此

中和塗中

羸駮馱倦客日暮發黃州可惜踏青節未登浮玳瑁樓佳
人金縷曲江水木蘭舟寂寂生陽館孤燈夜似秋

白光勳 一首

縣津夜泊

旅泊依津口重遊屬暮年鐘聲隔岸寺人語渡湖船月上蒹葭遠燈橫島嶼連夜深風更急落鴈不成眠

崔壽城 一首

驪江

日暮滄江上天寒水自波孤舟宜早泊風浪夜應多

趙希逸 一首

謫中

歸心日夜關以東歸計即今還墮空一年春動萬里外孤山月出千林中愁來但覺此身遠醉後不知吾道窮瓊州雷州何許地古人今人同不同

林億齡 一首

送友還山

塵土無憂染素衣蕭條石徑接柴扉飄然又作抽簪計夢逐白鷗江上飛

奇邁 一首

直禁詠懷

南山松柏幽北山煙霧深遊子暮何之庭樹生秋陰歸雲度遙峰宿鳥橫前林幽懷杳不極清風吹我襟

遺韻

金澆 一首

寄友

楊花落盡草萋萋楚客傷離思轉悽佳節一年寒食過

亂山千疊子規啼
虞翻去國身全老
王粲登樓賦幾題
相約天涯回白首
昭陽江上夕陽低

申欽 一首

寄友

廣陵三月已飛花
漢水孤帆落日斜
新結茅茨分洞府
欲隨麋鹿作生涯
平波細雨催耕犢
曲水游魚上釣叉
舉世盡從忙裏過
似君行樂獨堪誇

權韞 一首

清明

淑氣催花信
輕黃著柳絲
人煙寒食後
鳥語晚晴時
老去還多事
春來懶賦詩
京華十年夢
惆悵只心知

趙昱 一首

贈鑑湖主人

十年長掩故山扉
塵土東華幾染衣
想得鑑湖春夜月
子規應喚不如歸

李孝則 一首

烏嶺

秋風黃葉落紛紛
主屹山高半沒雲
二十四橋嗚咽水
一年三度客中聞

柳永吉 一首

福泉寺

落葉鳴廊夜雨懸
佛燈明滅客無眠
仙山一到傷春暮

烏帽欺人二十年

魚無迹 一首

逢雪

馬上逢飛雪孤城欲閉時
漸能消酒力渾欲凍吟髭
落日無留景栖禽不定枝
灞橋驢背與吾與故人期

李 嶸 一首

題僧軸

流雲山口草萋萋
夜逐香煙到水西
醉後高歌荅明月
江花落盡子規啼

金宗直 一首

佛國寺

爲訪招提境松間紫翠重
青山半邊雨落日上方鐘
語與居僧軟杯隨古意濃
頽然一榻上相對鬢髮鬆

李承名 一首

詠燕

畫閣深深簾額底雙飛雙語復
雙棲綠楊門巷春風晚
青草池塘細雨迷
趁蝶有時穿竹塢壘巢終日啄芹泥
託身得所誰相侮
養子年年羽翼齊

鄭 碣 一首

聞笛

迢迢沙上人初疑雙白鷺
忽聞橫笛音寥亮
江天暮

朴文昌 一首

題郭山雲興館畫屏

萬頃滄波欲暮天
將魚換酒柳橋邊
客來問我興亡事
笑指蘆花月一船

李達一首

病中對雨

花時人病閉門深
強折花枝對酒吟
怊悵流光夢中過
賞春無復少年心

李植一首

泊漢江

春風急水下輕艖
朝發驪陽暮漢江
篙子熟眠雙櫓靜
青山無數過船牕

朴瀾一首

平壤大同館題壁

高句驪起漢鴻嘉
宮殿遺墟草樹遮
惆悵乙支文德死
國亡非為後庭花

詩話書序賄肅慎之命孔安國傳云海東諸臣駒驪扶餘駟貊之屬武王克商皆通道焉按駒驪主朱蒙漢元帝建昭二年始建國號

姜克誠一首

湖堂早起

江日晚未生蒼茫
十里霧但聞柔櫓聲
不見舟行處

鄭之升一首

留別

細草閒花水上亭
綠楊如畫掩春城
無人為唱陽關曲

惟有青山送我行

姜 渾 一首

贈妓

雲鬢梳罷倚高樓鐵笛橫吹玉指柔
萬里關山一輪月
數行清淚落伊州

金 淨 一首

旅懷

江南殘夢晝厭厭愁逐年華日日添
鶯燕不來春又去
落花微雨下重簾

鄭知常 一首

醉後

桃花紅雨鳥喃喃繞屋青山間翠嵐
一頂烏紗慵不整
醉眠花塢夢江南

李仁老 一首

題杏花鸚鵡圖

欲雨未雨春陰垂杏花一枝復兩枝
問誰領得春消息
惟有鸚之與鵲之

李子敏 一首

子敏未詳何官

懋園客云萬曆庚戌仲秋值朝鮮貢使遇人贈高麗紙扇上題有詩稱辛丑秋東岳李子敏作

賀聖節詩

九達初日五雲覃虎拜彤庭百辟參
黼黻星辰璇極北
梯航玉帛越裳南
河清適際千年一
嵩壽齊呼萬歲三

遐壤小臣陪舞獸內尊偏倚主恩酣

朝鮮主試官 一首

嘉靖七年朝鮮人遇風飄至南通州被拘于守
禦所訊之乃其國主試官有詩

詩

白浪滔滔上接空布帆十幅不禁風此身若葬江魚腹
萬里孤臣一夢中

蓀谷集詩 五首

不詳其名

錢受之云蓀谷詩集六卷不載姓氏觀其憶昔行贈申
正郎洪云嗟嗟天子聖命將出東征首事箕王都破竹
游刃迎漢京賊先遁大駕隨公卿草創朝儀在庶見王都清一旅復夏
業簡策傳諸經無忘在苦心日日望聖明知其為萬曆間陪臣當神廟
興復屬國之後而作詩以誦也天啓中毛總兵
文龍守皮島屬訪求東國圖籍以此集見寄

渡清川江

安州城外水如天立馬沙頭喚渡船帆帶晚烟依草岸
鴈迷殘日下蘆田長塗旅客思歸計向老筋骸憶少年
始信在家貧亦好近來雙鬢轉蕭然

題清道李家壁

南來數月計多違節序如流已授衣旅舍不堪黃葉落
暮天遙望白雲飛沙梁鴈下寒江渚門巷烟深苦竹扉
唯有同來野僧在病吟相對話西歸

客懷

此身那復計西東到處悠悠逐轉蓬同舍故人流落後
異鄉新歲亂離中歸鴻影度千峰雪殘角聲飛五夜風

惆悵水雲關外路漸看芳草思無窮

贈樂師許憶鳳

雙眉覆眼鬢蕭蕭曾捻梨園紫玉簫移向瑤臺彈一曲
曲終垂淚說先朝

悼亡

妝奩蟲網鏡生塵門掩桃花寂寞春依舊小樓明月在
不知誰是卷簾人

梅月堂詩一首

和鍾靈山居詩

蛺蝶雙雙舞藥畦薑微架架采登梯一叢枸杞花初徧
五楹人葭葉已齊翠竹林中香麝睡紫荊枝上畫眉啼

一峰昨夜疎疎雨不分南池漲入溪

洛師浪客一首

安定館北驛

四月關門路風沙氣慘悽河邊春鴈盡林外曉鶯啼去
國魂長往思家意轉迷羸驂經左道今日向安西

無名氏一首

沈駙馬碧波亭

貴主華亭入翠微碧牕朱栱有光輝春來波暖魚龍出
夜久星疎烏鵲飛海上乘查時貫月江邊積石舊支機
當筵勸酒先投轄不醉應知客不歸

月山大君婷一首

詩話娉婷詩一首見吳子魚朝鮮詩選錢受之云應是朝鮮女子按說文廣韻均不載有娉字惟玉篇有之注徒寧切和色也樂府詩集漢辛延年羽林郎篇不意金吾子娉婷過我廬娉婷字並用始此江南弄和云陽春路娉婷出綺羅喬知之詩明珠十斛買娉婷杜甫詩不嫁惜娉婷劉長卿不知娉婷色回照今何似韓愈詩砧影伴娉婷白居易詩明妃風貌最娉婷李商隱詩娉婷小苑中羅虬詩大都相似更娉婷則唐人固相沿用之載考丁度集韻疑或作娉可補廣韻之闕采風集收娉詩娉上冠以月山大君字當是東國尊稱殆非民間女子也

古寺尋花

春深古寺燕飛飛深院重門客到稀我正尋花花盡落
尋花翻為惜花歸

成氏一首

竹枝辭

灤東灤西春水長郎舟已去向瞿塘巴江峽裏啼猿苦
不到三聲已斷腸

俞汝舟妻一首

別贈

恨別逾三歲衣裘獨禦冬秋風吹短鬢寒鏡入衰容旅
夢風塵際離愁關塞重徘徊思遠近流歎滿房櫳

趙媛妾李氏二首

詩話媛官學士承旨死倭亂妾李自號玉峰主人詩如兩兩鸕鷀失舊磯銜魚飛入菰浦去亦佳句也

采蓮曲

南湖采蓮女日日南湖歸盪漿嬌無力水濺越羅衣無
心却回櫂貪看鴛鴦飛

自適

虛檐殘溜雨纖纖枕簟輕寒曉漸添花落後庭春睡美

泥喃燕子要開簾

許景樊 五首

景樊字蘭雪，筠筠之妹，適進士金成立，後成立

殉國難，遂為女道士，有集

錢受之云：景樊八歲作廣寒殿玉樓上，梁文才出，筠筠二兄之

右金陵朱狀元之蕃使東國，得其集以歸，遂盛傳於中夏。陳卧子云：許氏學李氏而合作，有盛唐之風。外藩女子能爾，可見本朝文教之遠。詩話明閨秀詩類多偽作，轉相附會，久假不歸。如今日相逢白司馬，樽前重與訴琵琶。吳中范昌朝題老伎卷也。詩載皇明珠玉而謬云：鐵氏二女寒氣逼人，眠不得鍾聲催月下，迴廊三泉王佐宮詞也。詩載石倉詩選，而假稱宮人媚蘭泉流不歸山，羅文毅作而謂甄節婦詩，誰言妾有夫，高侍御作而謂章恭毅母，他若忽聞天外玉簫聲，寧獻王權之詠，權妃即指為權貴妃，作風吹金鎖夜聲多，羅翰林環之詠，欣怨遂誣為王莊妃詞，甚至析情字為小青，吊青冢者，過孤山而流連，詩語句於薛濤刻濤集者，綴卷尾而刺刺助談小說，貽笑通人，吾於讀景樊之詩，見其篇章句法，宛然嘉靖七子之體裁，未應風教之訛，符合如是，不能無贗鼎之疑也。

望仙謠

王喬招我游期我，崑崙墟朝登玄圃峰，遙望紫雲車，雲車何煌煌，玄圃路茫茫，倏忽凌天漢，翻飛向扶桑，扶桑幾千里，風波路阻長，吾欲舍此去，佳期安可忘，君心知何許，賤妾徒悲傷。

次伯兄高原望高臺韻

層臺一柱壓嵯峨，西北浮雲入塞多，鐵峽霸圖龍已去，穆陵秋色鴈初過，山迴大陸吞三郡，水割平原納九河，萬里登臨愁日暮，醉憑青嶂獨悲歌。

次仲兄筠高原望高臺韻

崔嵬雲棧接青霄，峰勢侵天作漢標，山脈北臨三水絕，地形西壓兩河遙，烟塵暮卷孤城出，苜蓿秋深萬馬驕。

東望塞垣鼙鼓急幾時重起霍嫖姚

效崔國輔

妾有黃金釵嫁時為首飾今日贈君行千里長相憶

雜詩

精金明月珠贈君為雜佩不惜棄道旁莫結新人帶

安南

詩話安南曾為郡縣漸文治者深而其國人詩選家多置不錄予從李文鳳越嶠集擇其詞旨馴雅者著於篇

國王黎灝一首

灝一名思誠天順四年國人所立卒私謚淳皇

帝僭號聖宗

送錢學士溥歸朝

五嶺天高瘴霧開詔書飛下越王臺萬年重紀黃龍瑞
九譯爭看白雉來曉日珠崖標柱在秋風銀漢使查回
吾君若問交南事久已傾心仰上台

黎景徽一首

景徽文職大頭目僭左僕射

奉贈錢學士

紫殿承恩入夢頻歸鞭裊裊向天津
玉節光回萬井春五嶺風輕金勒緩三湘月白錦帆新
夜闌宣室如前席為道交南共帝臣

阮直一首

直爵里未詳

送錢學士還朝

曉日初開瘴霧空歸程馬首正秋風知音豈限珠厓北
惜別那禁珥水東上國有人還獻納遐方無事賴幪幪
他年兩地如相憶萬里懸情寄塞鴻

黃清一首

清僭吏曹侍郎

送錢學士還朝

公望端堪邁俊豪遠持使節效賢勞九霄日月瞻依近
萬里江山興詠高別酒頻斟情戀戀歸心莫過水滔滔
自從回首天南後幾度懷人正鬱陶

黎念一首

念大頭目

送湛內翰還朝

綸音讀罷紫泥封回首蓬萊第一峰望外交關千里日
夢中帝闕五更鐘星查迢遞歸程遠雲樹參差別思濃
南浦吟成憑寄語滔滔江漢共朝宗

阮澤民一首

澤民爵里未詳

送湛內翰還朝

日送星輶萬里旋那堪惜別思淒然交關此日分岐後
南北春風共一天

安南使臣一首

題南康縣南野

鼓報黃昏各泊船
咿咿軋軋槽聲連
一雙鳧鴈滄浪外
幾箇人家楊柳邊
紅日落殘鈎挂月
白雲卷盡鏡磨天
安南萬里朝天客
暫借郵亭一夕眠

占城

貢使 二首

進貢初發占城

行盡河橋柳色邊
片帆高挂遠朝天
未行先識歸心早
應是燕山有杜鵑

江樓留別

青嶂俯樓樓俯渡
遠人送客此經過
西風揚子江邊柳
落葉不如離思多

詩話近峰聞略載占城使臣寓蘇州之天王堂問茶花何名人給之曰
一丈花也即題詩曰花於木槿渾相似葉比芙蓉只一般五尺闌干遮
不住獨留一半與人看此乃寶
應陶成題李西涯館中葵花之作

日本

噶哩嘛哈

或作苔黑
麻一首

詩話高帝惡倭不恭示以欲征之意日本進表辭頗不遜命噶哩嘛哈
上表帝問其風俗答五言詩既而絕其貢考日本疆域時拓地八道六
十六州六百一十三郡八十二浦宜其不知漢大而云國比中原國也
若其人多壽就國王論如神武天皇一百一十七歲孝昭天皇一百十
八歲孝安天皇一百三十七歲孝靈天皇一百一十五歲孝元天皇一百
一十七歲開化天皇一百一十五歲崇神天皇一百二十歲垂仁天皇一百
四十一歲景行天皇一百有六歲成務天皇一百有七歲神功天皇百歲
應神天皇仁德天皇俱百有十歲雄略天皇百有四歲降年之永中土
所希所云人同上古人言雖大而非常矣惟是國俗無冠國王但著烏
帽直而頂圓銳高半尺以綃為之男女皆用蒲或竹或椶木謂為唐制
度夫豈其然至若天皇之子娶於其族夫死妻立兄死
妹立子死母立何禮之有明祖絕其貢使不亦宜乎

荅大明皇帝問日本風俗

國比中原國人同上古人衣冠唐制度禮樂漢君臣銀
甕寫清酒金刀鱠紫鱗年年二三月桃李自陽春

普福一首

宣德七年倭船入貢凡九艘其使普福迷失於
樂縣沙嵩藤嶺獲解

被獲歎懷

來游上國看中原細嚼青松咽冷泉慈母在堂年八十
孤兒為客路三千心依北闕浮雲外身在西山返照邊
處處朱門花柳巷不知歸日是何年

中心叟一首

叟日本使臣

弔郭璞墓

遺音寂寂鎖龍門此日青囊竟不聞水底有天行日月
墓前無地拜兒孫秋風野寺施香飯夜月漁燈照斷魂
我有誄歌招不返停船空見白鷗羣

詩話葬師言禍福多本於景純之經然試與百人分謀之無一人同者
所云龍穴砂水向背如杓鑿齟齬之不相入其說業已難擇加以日者
配以年神方煞吉神祇百二十凶神倍之規避實難以是不克葬者多
矣世傳景純墓在金山是過於詭奇沈啓南詩氣散風衝豈可居先生
埋骨理何如日中數莫逃兵解世上人猶信葬書如叩晨鐘寐者可以
發深省矣中心叟墓前無地拜兒孫一語亦足發笑詩載廬陵胡經用
甫金山志志成於正德
辛巳文待詔徵仲序之

無名氏一首

春雪

昨夜東風換北風釀成春雪滿長空梨花樹上白添白
杏子枝頭紅不紅鶯問幾時能出谷燕愁何日得泥融
寒冰鎖却秋千架路阻行人去不通

釋天祥

三首

寄南珍

上人居處僻心與石泉清道在從違俗身閒不用名空
階松子落雨徑蘚花生怪得稀相見年來懶到城

長安春日

何事長安客春來思易迷樂游原上草無日不萋萋

榆城聽角

十年游子在天涯一夜秋風又憶家恨殺葉榆城上角

曉來吹入小梅花

釋機先

二首

送別

天書召賈生匹馬出滇城白首相逢處青雲送別情山
經巫峽盡水到楚江平好獻治安策殷勤答聖明

挽遂光古先生

昨日來過我今朝去哭君那堪談笑際便作死生分曠
達陶徵士蕭條鄭廣文猶憐埋骨處西北有孤雲

明詩綜卷九十五下

明詩綜卷九十六

无名子

小長蘆 朱彝尊 錄

雅山 張友直 緝評

潯州士女

相思曲 二首

妹相思不作風流待幾時只見風吹花落地不見風吹

花上枝 王貽上云雖侏儒之音與樂府子夜讀曲相近

妹相思蜘蛛結網恨無絲花不年年長在樹孃不年年

伴女兒

靜志居詩話此曲載吳洪粵風續九是潯州士女所歌而屈大均廣東新語亦有之

廣東歌堂詞

道別 三首

采蓮去時江水深采蓮歸時江樹陰中間日出四邊雨
記得有情人在心

歲晚天寒郎不回廚中烟冷雪成堆竹篙燒火成長炭
炭到天明半作灰

老龍山下有狂風老龍山上月朦朧檳榔勸郎郎不醉

姑負奴脣一點紅 屈翁山云粵俗好歌語多雙關詞不必雅然情必極至
先嫁一夕感誌與席者名坐歌堂歌詞有云一樹石榴

全著雨誰憐粒粒淚珠紅又云燈心點著兩
頭火為孃操盡幾多心天機所觸自然合韻

翰林館課

原心亭詩

鬱鬱松樹枝肅肅冬日陰孤亭弘且敞乃在鳳池潯鳳

池超人寰萬籟無一音暫息塵中轍因鮮俗慮侵端坐

邈宇宙掩帙忘古今頓令羣動祛見此方寸心金門足

大隱豈必謝纓簪

白頭閒話

感述

詩話是篇不知誰氏所作或
有感於焦黃中張懋修輩乎

御史大夫湯御史大夫周兩人皆酷吏寸心操戈矛敵
賢者無後其語蓋有由如何安世禹顯爵封通侯有子
駢且角乃產自犁牛思之復思之天道亦有私

單縣老父

漢河懷古

漢河在單縣源出汴水下流通
沛以漢高還沛曾涉此故名

王氣豐沛間濬源自單父風雲昔飛揚萬乘歷茲土富
貴歸故鄉意本重瞳羽誰知錦衣行在漢不在楚

粉墨春秋

非仲藏宋温日觀蒲萄

錢塘江潮三日斷翠華遥遥六宮散茫茫黑霧覆厓山
二龍無聲泣天畔衣冠南渡靖康年忍見旄頭明夜半
冬青雪冷子規啼尚有遺民温日觀閭閻姓名知是誰
有身但向浮屠竄酒酣獨抱支離叟罵賊猶存目光爛
依稀八法素師傳蒲萄餘技留篇翰馬乳曾無塞上塵
鰕鬚尚似江南岸涼雲不共荔支殘景風難竝櫻桃薦
莫道驪珠顆顆圓萇弘碧血光零亂三百餘年歎息同

何人對此非河漢借問苦心愛者誰我友張君獨悲歎
神物一去何繇還觸目皆非氣凋換吁嗟張君且勿歎
墨花會見虹蜺燦涼州美酒共天家大叫忠魂歌復旦

瀟湘集

洞庭秋月

纖雲不動金波浮冷光萬里開清秋青山一髮渺無際
大影落鏡星河流中流無人萬籟寂夜深往往魚龍出
何人長笛在扁舟水遠天長露華白

渭臺漁父

喜艾純卿至

何日離青海春過北斗城亟須譚間闊深足慰交情雨

雪辭關塞風塵送客程投荒君最苦早有二毛生

潼川碑

題石鏡寺

州志成化三年蜀僧繼圓於草莽中得碑刻此詩

昔日朱輪守經過釋子家柱間留墨蹟泉下隔年華雲
去空雕檻風來卷白沙江山誰似画每到動吁嗟

天目游人

宿重雲菴

烟蘿一徑通宴坐白雲中樹影晴浮水秋聲半在空疎
鐘山際月高枕竹邊風竟夕渾無寐清談對遠公

藕花社僧

嘉興白蓮寺僧有藕花社詩集不知其名

山居

滄海歸來日貪看麋鹿羣牕虛含遠嶂屋破補重雲夕
鳥吟邊過春蔬雨後分不須憐閒寂清梵隔山聞

玉華山

不知何許人洪武初寓東陽之東山披麻戴笠
散步閒吟于山水間終不肯言姓名或云陳友
諒客友諒亡遁跡至此遺詩百篇孫石臺揚序
之名玉華遺臺

和韻答玉山呂誠中

窮塗往往白頭新誰謂綈袍念故人此日不須辭舊雨
空山聊自度殘春艱難作客仍多病生死無家任此身

二十年來相憶處幾回月夕與風晨

野亭老父

桐城劉燾成化間與友人同赴省應選貢塗中
風雨驟至因解裝暫憩野亭共賦送春詩忽一
老父衣蓑荷笠至聞吟詩亦請筆硯頃刻詩成

云云

怨風怨雨總皆非風雨不來春亦歸蜀魄啼殘花影瘦
吳蠶喫盡柘陰稀枝頭綠軟梅初熟口角黃乾燕學飛
我亦欲歸歸未得擔頭猶挂舊蓑衣

萊山樵者

濬縣眺望

河流遠徙大伾存極目中原野色昏禾黍油油迷故國
羝羊逐逐過前邨黃花冷笑三秋客紅葉初飛十畝園
賴有淹留同調在茫茫禹跡試重論

明詩鼓吹

題金陵沙士清樂清軒

竹裏行厨竹外門宛然風景似山邨石闌柳暗藏新雨
詩壁苔荒沒舊痕林下鳥鳴花自落溪頭鹿過水偏渾
晚來半掩東軒卧一枕梨雲鎖夢魂
戴斗夜談

書玉田行館

老去年華暗自驚殊方節序倍關情蕭條旅館孤燈宿

迢遞歸塗白髮生海甸星河分歲色山樓鼓角動春聲
柳盤柏徑誰相識悵望鄉原北斗橫

丹川

李時遠云丹川不知何許人曾官給
舍轉御史集不書撰人無有後序

棧道早行效白香山體

連雲石磴曉蒼蒼天險分明百二強萬里西南通鳥道
雙旌上下轉羊腸一溝流水一溝竹幾樹垂楊幾樹桑
登覽不知行役倦半生詩債却猶償

雲谷樵夫

書大道寺壁

西華雲臺去路長投閒翻為看山忙十年有夢尋中岳
四月披雲過太行清世誰能便吏隱幽栖吾獨愛僧房
昨來不寐焚香坐讀盡楞嚴夜未央

黃州志

赤壁寫懷

武昌東下次江皋赤壁磯頭艤画橈廢壘烟消荒草合
橫江鶴去碧天遙岸邊漁父疑殘炬水底龍吟憶洞簫
往事千年增感慨荻花楓葉晚蕭蕭

昌平州志

仙人洞

石洞窅且深花落無人埽仙翁去不還何處尋瑤草

虎谷

虎谷名金山客行初未識日午山下過人面一作衣黃金色

銀山

銀山本在北萬丈青雲梯曉見居庸雪銀山忽在西

龍泉

瀾瀾山下泉滌洄白如玉清以濯吾纓濁以濯吾足

安濟橋

石梁跨飛虹水清魚可數莫謂非通津亦有江南估

長安可游記

題西山清涼寺壁

山僧汲空潭驚起二龍千百里雲冥濛三日雨不止

青鞵踏雪志

題西山水盡頭

雙流泱泱鳴石根失其一棄糠於此中應從玉泉出

南靖老人

題壁

青青千里草隱隱獨家邨日暮客投宿山深虎守門

吳下人

詩

僕夫不識路踟躕道傍久寒風吹衣襟落日照馬首

屠生

一首

蕭山諸生屠姓失其名居近西子祠題詩於壁

是年學使者夢一婦人謂曰吾西施也生未入

五湖而蕭山屠生輒妄言其為吾斥之既按部

詢生生大驚誦其詩歎曰詩固佳然已失實乃
令生詣祠謝已為文以祀之

題西子祠壁

紅粉溪邊石年年漾落花五湖烟水闊何處浣春紗
南潯祇園寺詩

贈老僧

清溪通笠澤地以水為鄉竹青三日雨僧白一頭霜

張叟

叟嘉興人不知名

秋思

江上芙蓉開江上芙蓉謝開謝總秋風江流無日夜

盱眙女郎

題壁

短袖籠春去低鬟明月中逢人惟有淚不敢說遼東

正德中朝士

上長沙相公

才名直一作少與斗山齊伴食一作三考中書日又一作已西回首湘江

春草綠鷓鴣啼罷子規啼

石淙集附錄

題邠州郵亭壁

太宰西征秉將權三秦豪傑滿軍前中筵笑指金貂客
盡是當年舊執鞭

永壽監軍莊郵亭題壁

金符玉節催征騎赤日炎天渡大江塞上風清連瀚海
六羸驚見舊旌旌

荆先生

不知何許人客濟寧人有持白團扇撲蠅為血
所漬因繪為紅葉題詩云云人遂目之為荆紅
葉

題紅葉

新霜楓葉醉殷紅記得題詩出後宮繞遍御溝尋不見
被風吹入月輪中

黃州志

武磯山

寂寞武磯山上樹蕭條邏卓水中天垂楊不管人間事
猶自青青兩岸邊

廣西舊志

題義寧華嚴洞

跨鶴歸來不計年洞中流水綠依然紫簫吹徹無人見
萬里西風月滿天

殊勝寺道人

嘉靖初平望鎮殊勝寺有一道人來游題其壁
云云後倭人至鎮寺首焚毀

題壁

我自蓬萊跨鶴回山僧不遇意徘徊時人莫解菩提寺
三十年餘化作灰

福教寺僧

嘉靖初魏國公侵武進縣福教寺田僧乃棄去
後過寺題詩云云

殘山剩水一荒基古寺烟籠白塢低燕子不知身是客
秋風還戀舊巢泥

黃圖雜志

直沽櫂歌 三首

天妃廟對直沽開津鼓連船柳下催釀酒未終舟子報
舵樓黃蝶早飛來

雲帆十幅下津門日落潮平不見痕葦淀茫茫何路泊
一燈明處有漁邨

蘼蕪楊柳綠依依檣燕檣烏立又飛賺得南人歸思緩
白魚紫蟹四時肥

灤縣志

白河漁舟

溶溶漾漾白河流點點輕鷗上水浮遙望孤燈明滅處
葦花斷岸一漁舟

浦城志

南浦

南浦春流漲綠波溶溶漾漾浴鷗多銷魂尚記江淹賦

碧草青苔送別何

資江石刻

書石溪亭

桃花依舊放山青
曲几焚香對画屏
記得當年春雨後
燕泥時汚石溪亭

洞庭老人

卓彥恭月夜泊洞庭有老人盪小舟過之歌詩
云云見小草齋詩話

歌

八十滄浪一老翁
蘆花江上水連空
世間多少乘除事
良夜月明收釣筒

玉堂逐客

題西禪寺詩

隔江人唱浪淘沙
月上梧桐影未斜
客到潯陽談往事
青衫無淚濕琵琶

耳園公

君山

山色湖光日漸曛
誰將玉珮弔湘君
天風一夜連湖起
吹落蒼梧萬里雲

花鏡雋聲

踏燈詞

髻挽烏鬢試晚妝
衫裁白氎學霓裳
私邀女伴門前立

不避燈光避月光

盤江逋客

題分水關

一道泉分兩道泉層層松栝翠參天鷓鴣聲裏山無數
合向誰家草閣眠

碧岡道人

堯渡

秋水初平露石磯堯城渡口柳依依無端隔岸漁歌起
白鳥一雙撲鹿飛
不出戶庭錄

題陳山壁

啓牕日日對青山山色青青不改顏我問青山何日老
青山問我幾時閒

陳墅里人

江陰陳墅里有郭姓者失其名題詩於壁

春日偶題

細細冥冥濕燕泥棟花香暖鶉鳩啼籬邊笋迸無多日
恰與茅簷一丈齊

電白老兵

一首

題城樓

畫角吹來歲月深譙樓無古亦無今不如歸我龍山去
萬竹青青何處尋

靈谷寺壁上詩

九日

風雨蕭蕭戶未開忽聞鄰叟負薪回自言今歲登高便
曾上鍾山絕頂來

鍾山野老

一首

風香閣

風香高閣倚層厓一老扶筇下蘚階獵火夜來驚鹿過
松根拾得舊銀牌

高百戶

百戶嘉興人遺其名

閩歸簡吳巨手

半牀書卷剩山河如此歸來可柰何便欲與君同一醉
梅花不比舊時多

湘中女子

繫左臂詩

生來誰惜未簪笄身沒狂瀾命不齊河伯有靈憐薄命

東流直繞洞庭西

王仰止云湘中女子名氏不傳第知為湘江人其沉江也逆流至湖南水濱顏色如生左臂纏素帕十絕句閩

人林古
度跋之

明詩綜卷九十六

明詩綜卷九十七

雜流 備從附

小長蘆 朱彝尊 錄

從子甫田 緝評

靜志居詩話明以賈客而稱詩者衆矣若歙州之鄭作程誥龍遊之童珮皆賈也然鄭程皆受學于李空同童執經于歸太僕則不得以賈人目之故錄雜流自谷淮以下而儻從之能詩者附焉

谷 淮 三首

淮字文東秦中賈人客淮揚間傭書給事澄江

張學士家

顧玄言云谷郎能仿文徵仲書法兼善音律日以文翰為業其家詆為書癡其詩殊有雅致

寄遠

瓊花臺上雨初收黃歇山前水急流莫道別來鄉國遠
南江愁是北江愁

病中

一貧成病竟年年愁入蒼茫歲暮天客至擁衾聊起坐
冷風吹雨濕牕前

題画

十月山家落木稀高牕終日見雲飛柴關地僻無人到
獨向峰頭抱犢歸

李東白 一首

東白京山人為衣工

姚園客云東白黃鶴樓詩秋在仙人鐵
笛中一語可云絕唱李宗定恒誦之後
游秣陵歸舟至雲夢澤中高臺寺自吟云好水好
山來路遠秋風秋雨到家遲拍手一笑墮水而死

登黃鶴樓

西望家山一改容白雲飛盡楚江空興饒老子胡牀上

秋在仙人鐵笛中鄂渚霜花沿岸白漢陽楓樹隔江紅
倚闌拍手招黃鶴千古登臨感慨同

盧 雲 一首

雲字宗潤鄞人義烏縣吏有月漁集

詩話月漁託身又無害尋即棄歸以醫自給有邀之治疾者見壁上詩
和之繞榻吟哦至旦主人以為怪不服其藥每得金置袖中為人探去
不知知亦不問也故人有知黟縣事者徒步萬山中訪之距縣百里而
病夜夢挽其髮盡變為黃絲寤而語人曰色絲為絕吾死矣夫果死于
客舍平居語沈嘉則曰古人旅葬裸葬無所不可何必故
鄉嘉則因買山於休寧東郭外葬焉題曰詩人盧九之墓

西亭同朱近臣送沈嘉則

送君江上行路近梅根渚雨急天欲昏不盡別時語

周 俊 五首

俊字伯英江陰賈客有南岑集

詩話伯英詩頗清越如海風吹雨散江月伴潮生亂鷗千樹曉新水一篙秋市酒薄於水漁燈密似螢風前雙鬢逢秋短海上孤城過雨寒俱出塵埃之表

蕪城對酒寄懷張淡雲校書

樓上春雲黯夕陰折花載酒偕同心芙蓉繡幄隱紅燭
美人一笑輕千金南浦別離情脈脈柳花繚亂風無力
愁來獨上廣陵城江水微茫天一色

吳陵暑夕

斷虹收宿雨大火欲西流一片水浮月三更人倚樓
蒹葭迷白露蟋蟀響清秋惆悵江南北年年事薄游

鵝鼻磯

細雨晚山晴殘霞映江樹不見垂綸人寒潮自來去

春日雜詠

春來懶慢起常遲六尺枯藤強自支忽見柳花飛作雪
小橋回首立多時

贈張淡雲

星河淡淡夜迢迢深院涼生動絳綃傳得揚州新樂府
倩誰人竝坐吹簫

黃 徽 首

徽字季美杭州人為閩賈沈翁贅壻繼其業有

徽音

詩話季美詩何侍郎稱孝稱之為作詩賈傳其略曰唐人以詩名桑門閨秀皆進乎技賈人缺焉季美詩不妨賈賈不揜詩遂無前人其賞譽是若

竹崎

水口薜亭官長在搜鹽日午喚停船平明舍權山城外
竹轎迎人又索錢

李 佶 一首

佶扶溝人

錢受之云早年供青衣之役年三十始
攻苦讀書詩成一家言士夫禮重之

江行有懷

醉起意不盡江邊尋杜蘅折來何所寄游子在西京惜
別三春晚窮年百慮生日斜空悵望一水隔盈盈

馬來如 一首

來如內鄉人翰林李蒙之僕

江上懷吳人朱侍山久羈均陽

江草江花一水長憐君何事滯均陽逢人為報鄉園侶
吳客而今作楚狂

李 英 三首

英字少芝以青衣給事南海歐大任

俞汝成云計有
功唐詩紀事二

百餘年詩人千一百五十家而卷末有僕二人一為咸陽郭氏捧劍之
童一為池陽刺史戟門門子朱元余輯盛明百家詩僅得李英一人可
以為難矣 宋轅文云李生
詩清勁可誦能宗其主人

初去故園留別諸友

風烟一以別把酒戀同游人去江樓晚帆飛海國秋青
山馳遠夢黃菊動離愁曾是滄洲客能無念白鷗

秋思

曾是滄洲舊釣徒西風落魄寄江都望中故國千山阻

別後經年一字無庾嶺烟霞秋思遠楚天風雨暮帆孤
誰憐飄泊他鄉客不為尊鱸滯五湖

十月京師紀事

蕭關風急馬頻嘶四塞河山動鼓聲獨立高臺望烽火
蘆笳多在薊門西

林汝元 二首

汝元閩王粹夫家青衣

詩話錫山俞汝成輯盛明百家詩錄青衣一人南海李英也虞山錢受
之列朝詩集益以二人扶溝李恬內鄉馬來如余錄詩綜又益一人閩
林汝元也聞閩中青衣善詩者不止汝元尚有陳香初陳竹逸鄭蘭子
三人未詳其名澄江楓葉老斷岸菊花疎香初句也月明黃葉露花隱
赤闌橋蘭子句也古墓梨花鸚鵡雨荒原麥
穗鷓鴣天竹逸句也附疏于此當博訪之

溪行

雪壓梅花破霜侵楓葉稀林間黃犢卧沙際白鷗飛水
急灘聲亂溪迴樹影微前峰新月吐樵子蹋歌歸

京口夜泊

隱隱漁歌隔岸聽娟娟新月照中泠江南風景今宵始
回首瓜洲一抹青

胡梅 二首

梅字白叔吳人給事徐通政申宅晚磬以醫自
給自號清壑道人

詩話白叔幼而秀穎以狐旦登場四坐叫絕徐通政維嶽俾掌書史嘗
取通政友人赤牘畀之炎火為通政誦之不遺一字錢受之納柳姬
如是也白叔賦催妝詩受之擊節於是詩名藉甚晚輯列朝
詩集目之曰山人子取以附雜流之末蓋不敢沒其實云

沈璧甫自城南移居虎丘和周安期韻

明詩綜卷九十七
君住南城已數年今移虎阜寺門前紅疎未補薔薇架
綠滿初停茉莉船雨過峰頭流一壑月明隄上聽三絃
酒壚餅肆皆鄰近我欲頻來莫惜錢

曉飯小孤山下

兩岸黃蘆霜滿船推篷曉爨鷺鷺前小孤山下風初定
江面剛生一寸烟

吳忠一首

忠華亭姚元龍宅青衣陳徵君繼儒賞其桃花
詩勸其辭主人送至小崑山為焚香道者

詩話余既錄二李一馬之詩又益以胡白叔聞東吳舊話又得吳忠一人按徐文長逸藁有詩云南海大夫歐泉州處士尤泥中雙綠髻詩作兩蒼頭自注尤山人侍者范鹿能詩不減歐植伯之傑惜其藁不得見也

桃花

游子訪桃源桃源在深處不用問漁郎谷口隨花去

明詩綜卷九十七

明詩綜卷九十八

妓女

小長蘆 朱纛尊 錄

越來 江王鳳 緝評

靜志居詩話明制南北都各立教坊司北有東西二院南有十四樓其後南都舊院特盛成弘間院中色藝優者結二三十姓為手帕姊妹每月節以春繁巧具般核相鬪名為盒子會沈啓南曾為作圖係以長句然青樓之題詠無聞也隆萬以來冶游漸盛浙有沈水部某託名冰華梅史以北京東西院妓郝筠等四十人配作葉子牌金沙曹編修大章立蓮臺新會以南曲妓王賽玉等一十四人比諸進士榜一時詞客各仰所知假手作詩詞曲予以長其聲價於是北里鮮有不作韻語者其偽真無由而辨識矣姑從諸家選本綴錄成卷

趙麗華 二首

麗華字如燕小字寶英南院妓自稱昭陽殿中

人

詩話如燕父銳以善歌樂府供奉康陵如燕年十三錄籍教坊能綴小詞被入絃索予嘗得其書画扇楷法絕佳後題云乙卯中秋同西池徵

明詩紀卷九十八
君質山學士集海濱天香書屋書此竟聞任兵憲在陸涇壩禦倭大捷
奏凱回戈亦快事也沈嘉則為作傳有云趙雖平康美人使具鬢者當
不在劇孟朱家下今即其題扇數語
豪宕可知賦別一詩亦手書便面者

荅人寄吳牋

感君寄吳牋牋上雙飛鵲但效鵲雙飛不效吳牋薄

席上賦別

妾舟西發君舟東頃刻天生兩處風此去雲山天際渺
寸心千里附冥鴻

朔朝霞 一首

朝霞金陵妓

送人

秋風江上送君舟落葉江楓總別愁解纜不知人去遠

凭闌猶倚夕陽樓

姜舜玉 一首

舜玉自號竹雪居士南京舊院妓

花源逢顧何二使君作

仙源凡幾曲夾岸桃花開忽漫逢劉阮殷勤勸酒杯

徐翩翩 一首

翩翩字飛卿一字驚鴻南院妓有集

詩話翩翩年十六時名未起學琴不能操緩學曲不能按板因舍而學
詩謝少連於眾中見之此陳王所云翩若驚鴻者也由是人咸以驚鴻
目之有妹亭亭字若鴻亦慧黠翩翩晚嫁江陰郁
生郁卒還秣陵為尼居蓮子營小菴以老

江陰送顧大參

一日發江口五日下長洲可惜送君淚不隨江水流

趙彩姬 四首

彩姬字今燕南院妓 冒伯慶云較書容與溫文清言楚楚徐壤老去枇杷花下閉門居風流猶可想也

也

詩話今燕張幼于所押名冠北里時曲中有劉董羅葛段趙何蔣王楊馬褚先後等語所稱一二釵也晚居琵琶巷口冶游少年誰口閉門趙四其語頗勝諸人

暮春江上送別

一片潮聲下石頭江亭送客使人愁可憐垂柳絲千尺不為春江縮去舟

憶故居

柳絮春泥玉壘封珠簾深鎖暮烟濃分明記得雙樓處夢繞青樓十二重

送幼于還吳門

花前雙淚濕衣裾把酒江亭落照餘此去吳門霜月滿逢人好寄洞庭書

寄陳八玉英時留姑蘇

何處簫聲獨上樓傷心桃葉水空流一從南國春歸後無復佳人字莫愁

馬守真 一首

守真字湘蘭一字玄兒又字月嬌金陵妓有集

詩話湘蘭貌本中人而放誕風流善伺人意性復豪俠恒揮金以贈少年感吳人王伯穀解墨郎之厄欲委身焉伯穀不可萬曆甲辰秋伯穀年七十湘蘭買樓船載小鬟十五造飛絮園置酒為壽晨夕歌舞流連者累月亦勝引也伯穀序其詩大略云秣陵佳麗之地青樓狹邪之間桃葉題情柳絲牽恨胡天胡帝為雨為雲有美一人風流絕代問姓則千金燕市之駿託名則九畹湘江之英輕錢刀若土壤翠袖朱家重然

日言卷九
三
諾如丘山紅妝季布爾其搗琉璃之管字字風雲擘玉葉之牋言言月
露翻庭花之舊曲按子夜之新聲奚特錦江薛濤標書記之目金昌杜
韋惱刺史之腸而已
哉曲中傳為佳話

自君之出矣

自君之出矣不共舉瓊卮酒是消愁物能消幾箇時

姚

客不誦之
令人酸楚

朱無瑕 一首

無瑕字泰玉金陵妓有繡佛齋集

秋閨曲

芙蓉露冷月微微小苑風清鴻鴈飛聞道玉門千萬里
秋來何處寄寒衣

孫瑤華 一首

瑤華字靈光金陵妓歸新安汪景純有遠山樓

豪

次韻汪仲嘉戲代蘇姬寄吳郎之作

由來歡愛說新知空結同心不自持山上蘼蕪寧再遇
西陵松柏詎相期羅襦明月君休繫紈扇秋風妾不辭
極目自憐春欲盡流鶯飛處草離離

崔重文 一首

重文字媚兒一字嫣然南院妓

別黃玄龍

楓落鴉翻秋水明長橋獨樹古今情尋常歌板銀罌地
從此傷離不忍行

鄭如英

一首

如英字無美桃葉妓

詩話無美以韶豔聞曲中呼為安十二安其小名也詩筆流便但不暇持擇耳

雨中賦別

執手難分處前車問板橋愁隨風雨長魂為別離消客路雲兼樹妝樓暮又朝心旌誰復定幽夢任搖搖

景翩翩

二首

翩翩字三昧

一作驚鴻

建昌妓嫁丁長發丁為人誣訟

于官景竟自經有散花吟

詩話王伯穀題散花吟云閩中有女最能詩寄我一部散花詞雖然未見天女面快語堪當食荔支翩翩家本吁江時游建安故伯穀誤以為閩中女子也時又有沙飄飄新都謝少連擬季漢書成其友釀金賀之布席齊王孫第四方之士會者百人選六院麗人侑酒飄飄為冠評者

比之揚州蕃禧觀瓊花末有兩樹云

襄陽蹋銅蹄

駿馬蹋銅蹄金羈豔隴西郎能重意氣妾豈向人啼

與蘇生話

十日平原飲三秋江上船一經搖落後明月幾回圓

薛素素

一首

素素小字潤孃嘉興妓有異才數嫁皆不終有

南游草

詩話薛五較書有十能詩書琴奕簫而馳馬走索射彈尤絕技也予見其手寫水墨大士甚工董尚書未第日授書禾中見而愛之為作小楷心經兼題以跋至山水蘭竹下筆迅掃無不意態入神間在京師挾彈走馬能以兩彈丸先後發使後彈擊前彈碎于空中又置一彈于地以左手持弓向後以右手從背上反引其弓以擊地下之彈百不失一嘗置彈于小婢額上彈去而婢不知江都陸無從歌云酒酣請為挾彈戲

結東單衫聊一試微纏紅袖袒半鞦側度雲鬢引雙臂侍兒拈丸著髮
端回身中之丸竝墜言遲更疾却應手欲發未停偏有致范夫人贈詩
云重開別院貯文君寶絡千金換翠裙非雨非雲香滿路前身應是薛
靈芸尋為李征蠻所嬖又嘗侍沈孝廉景倩中櫛其畫象傳入蠻峒西
陽彭宣慰深慕之費金
錢無算致之不得也

春日過茅山

參差臺殿閔靈蹤句曲茅君次第逢洞口鶴窺曾過客
日中人上最高峰華陽澗水桃千樹舊館壇碑闕幾重
遙望金沙何處是浮圖千尺罩烏龍

張回一首

回字淵如一字觀若金陵妓

送別賦得帆影

勞勞亭上別無計共君歸一葉隨風去孤帆挾浪飛目

窮河鳥盡望斷浦雲非後夜相思處傷心隔翠微

羽孺一首

孺字素蘭一字靜和嘗熟人生不識姓善音律
推律得羽聲遂以為氏後為人所殺有詩集

柳

草閣疎林迴簷前遶綠楊章臺憐御苑灞岸惜他鄉繫
馬青春晚藏烏子夜長玉關頻折贈離思斷人腸

周文一首

文字綺生嘉興妓

沈宛君云綺生初出平康終歸匪匹
鬱志而死遺骸甚多不傳良可惜也

詩話綺生善小詩沈純父林居端午名客呼之侑酒不至次日始來問
其故曰昨偶席上賦詩未就耳純父曰爾能詩試即景以五月六日為
題綺生朗吟云酒剩蒲觴冷門懸艾虎新坐客咸擊節由是詩名大起
縉紳若高玄期李君實皆與酬和綺生嘗有句云掃眉才子多相忌未

日言終卷九十八
六
敢人前說較書蓋自傷也虞山錢氏列朝詩集謂為松陵一元氏負之而趨悒鬱而死所云一元氏者除名會元沈同和志學也予於乙酉冬猶及見之酒間談論援今證古娓娓不休亦未至以五七言讀詞回環迄不能句第於帖括則全不解耳

詠懷

幾點愁人淚不許秋風吹吹到長江裏江流無盡期

呼文如一首

文如小字祖江夏營妓與丘謙之綢繆和荅有
遙集編

詠庭中安石榴呈丘生

安石孤根託謝庭合歡枝上日青青懸知雨露深如許
結子明朝似小星

王微六首

微字修微揚州妓皈心禪悅自號草衣道人初
歸歸安茅元儀晚歸華亭許譽卿皆不終有期
山草樾館詩集

重過雨花臺望江有感

春姿靜東岑雲影結遙粲坐覺高臺空不知翠微半落
花自古今啼鳥變昏旦撫化良易遷即事聊成玩况乃
晴江開淥波正拍岸

有人以斷腸草寄怨予偶見戲反之

木名有連理草名有宜男花有枝並頭禽有翼鷓鷯西
方鳥共命東海魚比目輕鸞千二百鴛鴦三十六相思
為唐殿合歡是漢宮雀屏開甲乙龍劍匣雌雄之子賦

斷腸稱物作苦語聊拈佳耦名其他未遑舉

夾山漾別陳仲醇

夾山寒水落木葉下紛紛斜日已難別扁舟况送君
瑤華一以折零露不堪聞為我題紈扇新詩寄白雲

仙家竹枝詞

幽蹤誰識女郎身銀浦前頭好問津朝罷玉宸無一事
壇邊願作埽花人

憶江南

寒沙日午霧猶含蕭瑟風光三月三撲地柳花新燕子
不由人不憶江南

湖上早起

中流何處聽雞鳴只看船牕烟霧生剛到五更翻睡去
急披衣起已天明

蔡彬一首

彬字清卿江都妓

贈別

傷情不奈出宜春遙見離亭倍愴神昨夜樓頭好明月
今宵分照遠行人

郝婉然一首

婉然字蕊珠京師珠市妓有調鸚集

鳳皇臺

雨過荒臺春草長浮雲暗處是斜陽杏花零落知多少

黃蝶翻飛野菜香

李貞儷 一首

貞儷字澹如桃葉妓有韻芳集

月夜有懷

不見風前舊令君滿庭霜月白於雲仙居只隔清谿曲
此夜鐘聲應共聞

茹 瓊 一首

瓊錢塘妓許歸金華唐生生負約嘔血卒

元夕

湖南湖北雪初消画鼓春幡總寂寥不是鄰家燈火近
那知今夕又元宵

楊 宛 四首

宛字宛叔金陵妓有鍾山獻正續集

錢受之云宛叔能詩有麗句善

草書歸苔上茅止生重其才以殊禮遇之止生歿國戚田弘遇奉詔進
香補陀謀取宛叔宛叔盡豪華裝奔焉田以老婢子畜之俾教其幼女弘
遇死復謀奔東平侯劉澤清將行而京城陷乃為丐婦裝間行還金陵
盜殺之于野宛叔與草衣道人為女兄弟道人屢規切之宛叔不從道
人皎潔如青蓮花亭亭出塵而宛叔墮落汙泥為人姍笑不亦傷乎
茅止生云宛叔歸余年纔十六能讀書工小楷其於詩游戲涉略若不
經意然無枯澀之色鮮潤流利 鍾廣漢云止生之變宛叔
受之之變柳如是同類燕人之惑易安得悉以蘭湯浴之
詩話止生得宛叔深賞其詩序必稱內子既以謹荷戈則自謂有詩人
以為成婦兼有句云家傳傲骨為迂叟帝賚詞人作細君可云愛惜之
至顧宛叔恒思背之秋懷詩云獨自支頤獨自愁深情欲語又還羞從
來薄命應如此敢比鴛鴦到白頭棘心已路矣止生亡後思倚國戚田
弘遇以其賄遷不期弘遇第以衆人畜之尋俾其授琴書於季女甲中
寇變宛叔攜田氏女至金陵匿山村中盜突入其室欲汗田氏女女不
從宛叔從旁力衛之遂同遇害詩如江清風定候山碧雁來
天亦稱佳句其行楷特工能於瘦硬中逞姿媚洵逸品也

種桐

靜居無寄懷種桐廣除內桐高盈丈餘風露相吸逮本
以遲鳳棲鳳棲不可再我聞古良士往往思其外預愁
斷為琴知音復誰在

哭侍兒湘雲

湘水千年在湘雲去不回牀頭鍼線帖此後更誰開

春日有感

翠館紅樓白石橋高花低柳自飄飄画闌幾處無人到
多少春光暗裏銷

次止生七夕見懷韻

遥遥望斷白蘋洲惟見銀河一派流那得閒情還乞巧
夢魂尋遍木蘭舟

顧娟娟

娟娟嘉興妓

詩話娟娟居蘇小小墓東北短小穠粹妙歌舞雙鞞柔弱胡旋燈前觀者靡不歎絕間作小詩以書法不工偶對人口占而已崇禎末年卒

贈別

南國相思子西番篤耨香留君充雜佩休賭紫羅囊

明詩綜卷九十八

子蓋當每大駭頓首謝罪鼻目笑之有頃宴客
堂上盛設食飲畀當敏以僕妾之餐坐之堂下
然亦非人世所有滋味居十日當敏辭歸皋及

靜居無寄懷種桐廣除內桐高盈丈餘風露相吸逮本
以遲鳳棲鳳棲不可再我聞古良士往往思其外預愁
新為長口音復佳生

明詩綜卷九十九

十

明詩綜卷九十九

神鬼 物怪附

小長蘆 朱彝尊 錄

梅會 沈翼 緝評

虞 皋 一首

皋羅源人閩王璘時常鬻黃精于市龍啓問爲
道士陳守元所辱故人木當敏因背之去尋入
仙茅山羅喜洞當敏尾之望見洞中玉堂金闕
麗人被珠襦者百數皋至皆却行前迎建翠於
孔蓋當敏大駭頓首謝罪皋目笑之有頃宴客
堂上盛設食飲界當敏以僕妾之餐坐之堂下
然亦非人世所有滋味居十日當敏辭歸皋及

賓客送之至洞門客吹尺八擊玉磬皋和而歌
云云歌畢忽然俱去當敏歸城郭人民盡非昔
日蓋洪武之十二年矣

歌

朝為雄子暮為雌天地終盡子人生幾時

徐電發云足比彭令昭所歌人間可

哀之曲

貞元道人一首

徐州鄧玉田扶叶仙于都下題詩畢自稱貞元
道人

詩

勾漏山頭古洞天金堂玉室地相連門前千尺長松樹
親手栽來不記年

無上宮道人

仙游歌

靜志居詩話萬曆庚寅秋古鄧吳道人以符籙游江淮間尋抵嘉禾仙
降于周處士履靖遜之宅有曰無上宮道人有曰崖老縛筆于叶揮灑
若風雨之驟由是彭輅子殷文嘉休承皇甫子循張之象月鹿侯一
元舜舉李奎伯文仇俊卿謙之馮皋謨明卿莫雲卿是龍李日華君實
異而交和之處士哀為一卷
于殷序之君實跋其尾焉

君不見蓬萊縹緲三山幽天風萬里羣仙游光分日月
五城界春滿烟霞十二樓洞門桃花歲復歲巖前桂樹
秋復秋羣仙游子上玉京翩翩自適春風情鞭龍或耕
瑶草去騎鹿愛遶青松行感藻日之遄征歎浮生之易
邁信人間之可哀留幔亭而高會有時采藥來天台迷

花宿霧臨瑤臺五三六點靈雨滴百千萬樹梨花開主人置酒初醞醅我今暢飲休相推風光如此不盡醉虛負青華赤玉杯

崖老

詩

乍下人間世何須問姓名翩翩臨水影窅窅步虛聲恣草黃庭帖還調碧玉笙江南美風物九月采蕪莖

降道人

探梅

輕舟十里五里殘雪一山半山我意探梅獨往誰教放

詩話崇禎辛巳道人題畢人莫會意王翊曰道人起句謂舟輕則速十里之行等五里雪霽而殘一山所積止半山爾叶書王子可與言詩

鶴先還

轉華菴叶仙 一首

福州西關外轉華菴壁挂叶仙詩字體飛動不類人間書見閩小記

綠雲出洞又入洞黃鶴下山復上山道人此日歸何處雲自無心鶴自還

候官叶仙 一首

嘉靖中倭亂起候官張經總督浙直軍務經行止未能決質之召叶者叶動大書曰我關雲長也題詩云云經殊惡之後遭讒棄市

詩

萬里縱橫事已空
戰袍裂盡血猶紅
夜來空有思鄉夢
雨暗關河路不通

百泉書院降神詩 一首

天啓二年五月杞縣趙彥復集客于百泉山書院有神降叶題詩彥復曰神得非淮陰侯邪曰然

詩

相逢奚必定知名
九里山前殺氣橫
不及清淮一竿竹
風波靜處過平生

清真觀童子 二首

崑山柴奇讀書於清三觀夜二鼓月色如晝忽

見五童子披鶴氅
麾羽扇從空而下
為迴波之舞歌曰云云見周玄暉涇林續記

歌二首

駕而風兮策而霆
乘白鶴兮入蒼冥
山青青兮海澌澌
壁為月兮珠為星
駕赤虬兮上玄冥
水瀟瀟兮嶽亭亭

晚翠亭鬼 一首

載葉世奇草木子

詩

一徑入青松
飛流澹晴綠
道人晚歸來
長歌振林谷
山深不知秋
落葉下枯木
須臾翠烟開
月色照綵服

鄭婉娥 一首

吳江沈韶洪武初汎舟游襄漢次九江登琵琶
亭月下彷彿聞歌聲明日復往徙倚亭中有麗
人來呼韶並茵坐曰妾僞漢主婕妤鄭婉娥也
年二十而死殯于亭側因口占一律贈韶且命
侍兒鈿蟬取酒韶與留連半載談元末羣雄興
廢及僞漢宮中事歷歷可記臨別以金跳脫爲
贈

贈沈生

鳳艦龍舟事已空銀屏金屋夢魂中黃蘆晚日虛殘壘
碧草寒烟鎖故宮隧道魚燈膏欲燼妝臺鸞鏡匣長封
憑君莫話興亡事淚濕臙脂損舊容

吳師禹

二首

成化中候官吳師禹於吳嶼結屋月夜載酒遍
飲漁翁至嘉靖間已物故士人張君壽八月幾
望舟泊吳嶼忽上流一翁盪槳而歌云云君壽
刺舟與語翁曰我吳師禹也君壽不知其已死
偕訪其家酒行復賦詩云云夜旣闌遂寢旦覺
乃在叢莽中詩箋尚在觸手成灰

詩

蓼香月白醒時稀潮去潮來自不知除却醉眠無一事
東西南北任風吹

又詩

世路無媒君莫悲，開闌看取牡丹枝。
姚黃魏紫俱零落，能得春風有幾時。

董槐一首

萬曆中閩人董槐能文，彊記年十七而沒，殯於里之龍山。長見形為母護湯藥，墓上樹蟲齧成字，或螿緣土為字，皆成詩句。未必書行仙董郎。

詩

原南原北綠如烟，萬疇千聲鳥可憐。
擷得榆錢盈兩袖，春風寒食自年年。

詠松僧一首

詩

庭前兩株松，風吹一株折。朝減半庭陰，夜露半庭月。

之云有僧作前一句詩，未成而死，淒風寒月常有鬼吟，此後有人聞而續之，鬼遂滅。

楊玉香一首

成化中閩人林景清，以鄉貢北上，不第歸。過金陵，戀伎楊玉香，既別而玉香天泊舟白沙。玉香魂夜至，有詩和酬。再過金陵訪之，則死已一月矣。撫棺而慟，是夜獨宿，見玉香從帳中出，吟詩云云。

答林生

天上人間路莫通，花鈿無主畫樓空。
從前為雨為雲處，總是襄王一夢中。

小水人

六首

安成彭氏築菴山中命僕守之暮有女子自稱
小水人徑入臥室僕固拒之女云只見船泊岸
不見岸泊船何無情乃爾尋登僕榻僕懼取佛
經執之女笑云經從佛出佛豈在經邪天將旦
僕起擊菴鐘女取髻上牙梳掠鬢忽走入松林
不見壁上題詩云

妾住小水邊君住青山下青年不可再白日坐成夜
只見船泊岸不見岸泊船豈能深谷裏風雨誤芳年
薄情君拋棄咫尺萬里遠一夜月空明芭蕉心不展
解下羅裙帶無情對有情不知妾意重只道妾身輕

經從佛口出佛不在經裏郎在妾心頭郎身隔千里
月色照羅衣永夜不得寐莫打五更鐘打得人心碎

王秋英

一首

嘉靖中福清諸生韓夢雲過石湖山見遺骸哀
而掩之是夜宿藍田書舍一麗人斂衽拜燈下
曰妾王秋英字澹容楚人也父德育元至正間
以兵曹郎參軍入閩妾從父之官遇寇投厓死
荷君子厚德惠及骸骨是亦夙世緣也遂定情
焉生一子曰鶴算萬曆癸巳揮淚而別事載萬

鳥啼春集

歸楚留別夢雲

兩年歡會夢魂中聚散人間似轉蓬歲月無情催去燕
關河有信寄來鴻劒沉延浦光終合瑟鼓湘靈調自工
他日扁舟尋舊約夕陽疎影楚雲東

冬橘一首

女鬼冬橘張校官致祥遇之

秋夜吟

幽蛩響寒砌白露墮寒石獨立看月明不覺羅衣濕

莆田女鬼一首

萬曆初莆田有王太守良臣者築園亭郊外且
傾圮矣崇禎中邑諸生梁鼎鐘假爲學舍有女
夜至自稱太守女鼎鐘與定情三年一夕別去

作詩以贈生

別梁生

側側復力力與君長歎息出入自苦愁單情還相憶

西寧侯邸花神二首

閩人鄭琰翰卿客西寧侯邸晝夢黃衣少年要
至廡下共飲少焉一麗人至少年自起舞歌春
游之曲云云次及麗人作迎風之舞歌春愁之
曲飲正歡少年駭曰文羌校尉來矣見一人綠
袍張目至前遂罷席而寤起視庭中牡丹一花
映日婉媚一黃蝶猶未去則少年也一螳螂長
二寸集葉上是爲文羌校尉麗人則牡丹花神

云是年西寧侯薨

春游曲

芳草多情王孫未歸遲我良朋東風吹衣

春愁曲

金衣公子話春愁幾度留春更不留昨日漫天吹柳絮
玉人從此懶登樓

妖鼠詩 一首

成化二年長樂陳豐獨坐山齋梁上二鼠相鬪
忽墜化為二老翁長可五六寸對坐劇飲聲如
小兒既而二女子歌舞勸酬歌詞云云酒既闌
乃合為一大鼠向豐作拱揖狀而去載晉安逸

志

歌

天地小如喉紅輪自吞吐多少世間人都被紅輪誤

張秋鴉語

崇禎戊寅張秋鴉作人語云云未幾李青山作
亂殺人盈野歲饑民剥樹皮食之棗一升值錢
五百克東西四百餘里寂無人載張怡謏聞續
筆

人少人少無米怎了

明詩綜卷九十九

明詩綜卷一百

雜謠歌辭

小長蘆 朱彝尊 錄

查山 張士俊 緝評

靜志居詩話昔漢孝武立樂府采歌謠班孟堅謂代趙之謳秦楚之風皆感於哀樂緣事而發可以觀風俗知薄厚故郭茂倩編樂府詩集雜謠歌辭包括無遺余特仿其例撫采附於卷末惟夫童謠輿誦及田家雜占未嘗師法古人出於天地自然之音世治之汙隆人材之邪正莫不一本好惡之公所謂詩可以觀者是已繹逐燕之旨知革除本自皇衷諷兩帝之言信奪門元非人事苟察於耳介葛盧之於牛元師翁倖之於馬公治長之於烏猶將欣然遇之載諸篇籍矧無戾於春女之思秋士之悲者乎年來史局雖開汗青無日留此以俟撰五行志循吏傳者采擇焉

劉侯歌

永樂中山陽劉安知南宮縣勤於撫字境內旱蝗率吏民步禱蝗亦頓絕是歲鄰邑皆饑惟南

宮大稔民歌曰

侯宰南宮民和政通蝗不入境今之魯恭

何鐵面

永樂中仁和何瀨官刑曹郎持法不避貴勢京

師語曰

毋縱誕避何鐵面

京師語

穎上李芳中永樂中進士任刑科給事中執法不撓忤權倖謫海鹽丞棄官居家宣宗嘗顧問曰李芳何在近倖畏其剛直多沮之京師為之語曰

永樂紀綱宣德李芳

京師語

正統戊辰京師語云云是年安福彭時殿試賜第一甲第一名

莫問知不知狀元是彭時

京師童謠

正統中京師羣兒連臂呼于塗曰正月裏狼來齧豬未一兒應曰未也循是至八月則應曰來矣來矣皆散走時方旱又有羣兒歌於塗云云既而有狼山之難

雨帝雨帝城隍土地雨若再來還我土地

京闈語

景泰癸酉廬陵羅崇嶽舉順天鄉試第一以詭籍斥還後三年大學士陳循子瑛王文子倫入試皆不得舉有旨特賜舉人時人語曰榜有姓名還是學生榜無名氏京闈貢士

翰林語

茶陵李東陽等為翰林長而王九思等為簡討時人語云

上有三老下有三討

京都語

成化中光州熊艸官兵部侍郎時馬為尚書

而侍郎有左熊右熊京師語云

兩熊一馬太平天下

京師語

弘治中鍾祥沈文華為刑部員外郎事多平反

京師語云

有事勿忙須問沈郎

京師語

麥公牢子崔公馬高公銀子當磚瓦

都下諺

吏科官戶科飯刑科紙工科炭兵科阜隸禮科看

安州語

蘇州張寅仲明中正德辛巳進士知安州浚牙
家港築隄暇則與士子講學時孔天胤知邠州
亦以才見重時人語曰
有所疑問安祁莫憂竦有張孔

京師語

嘉靖五年天台起復知縣潘淵進嘉靖龍飛頌
效蘇蕙織錦圖帝以其文縱橫莫辨使開寫正
文以進是時請建世室者有監生王淵進世廟
頌擢上林監丞京師語曰
兩淵口闊如斗笑殺張蘿峰引出一羣狗

疫無鬼

容城楊繼盛少時讀書僧寺時僧多病疫同舍
生成亡去繼盛爲調藥餌僧以次愈時人異之
語云

疫無鬼以爲不信視楊子

都中歌

嘉靖中土木繁興一時工曹驟增數員都中歌
曰

馬頭雙馬後方督工郎

東鹿語

濮州蘇祐補東鹿知縣邑多囚繫下車一日釋
數百人明日革罷徭車三十兩又明日有詔召

東鹿令邑人語曰

三日官府百年父母

翰林語

京山李維楨在翰林博聞強記與新安許國齊

稱同館語云

記不得問老許作不得問小李

得山禽

萬曆中合肥黃道月好挾少年岸幘衣半臂紫

袷坐驄馬挾彈游西山時人從之語云

得山禽從舍人

燕人謗

過了八達嶺征衣添一領

北地諺

駱駝見柳渴羗見酒

富林語

華亭曹時中與兄泰隱富林以詞翰自老時人

語云

富林二曹一時人豪

道士歌

建文中京師有道士歌于塗云云

莫逐燕逐燕起高飛高飛上帝畿

况太守歌

宣德中况鍾知蘇州府稱治最秩滿去民叩闕
留者八萬人吳人歌曰

况太守民父母早歸來樂田叟

興化謠

蒲政四川舉人正統六年任揚州興化主簿寬
恕廉靖民謠云

蒲政打蒲鞭青布緣了邊九年三考滿不要一文錢

江陰歌

天順中昌黎周斌以御史論劾曹石謫知江陰
縣士民愛戴之歌曰

旱為災我公禱甘雨來水為患我公禱陰雲散

淮上歌

瀋陽范鏞中正德丁丑進士歷官兩淮運使盡
革夙弊遷四川參政以去商民立祠淮水上為
之歌曰

范來早商民飽范來遲商民饑

興化民歌

嘉興孫璽知揚州興化縣事有土豪徐恩入貲
為千戶交結權貴橫行鄉曲璽以法殺之民歌
曰

彼惡人子虎翼而飛惡人既殺子公瘠我肥

嘉靖中童謠

二首

賣槍纓人上城
茄頭下人走馬

留都語

扶溝劉自強嘉靖中官應天府尹尋轉都察院
右都御史進戶部尚書再改兵部居官峻法一
尚書屬以事怒曰賊吏敢爾邪起奮筆仆其隸
人留都為之語曰

尚書賊輿臺僵矯矯劉公洵自強

吳下語

吳人皇甫冲兄弟四人竝有盛名既而張鳳翼
兄弟三人亦有名於時吳下語云

前有四皇後有三張

吳人語

長洲文震孟性孝友居翰苑未踰年罷官家居

吳人語曰

求忠臣須孝子翳為誰文文起

興化歌

廬陵陸某知揚州興化縣事將入覲報政民歌
之曰

昔來何遲今去何速惠我弗終昭陽之陸

涇縣歌

嘉興高承埏知涇縣將去民歌之曰

日言類考卷一百一
晒公車來何暮計公程去何馬公內召我何之急攀轅
告上司上司揚言不可止入都門見天子

如皋謠

長山王岫生中崇禎庚辰進士知揚州如皋縣
事性愛畜蝶民有罪當笞者輸蝶得免羅致千
百名客飲縱之以為樂邑人語曰

隋堤螢火輟縣官放蝴蝶

江南謬

江南田家占雨謬曰

甲申尤自可乙酉怕殺我

按二語宋時即有之見范石湖詩注
而江南至今傳之却成亡國之讖

南京謬

福藩稱制江南馬士英阮大鍼等用事一時倖
進者眾南京為之語曰

職方賤如狗都督滿街走

南京童謠

一匹馬走天下騎馬誰大耳兒

詩話指士英阮大鍼也時又有對聯云闖賊無
門匹馬橫行天下元凶有耳一兀坐擾中原

南京童謠

楊柳青放風箏

吳謬 二首

官糶辦便無飯

南道如虎升官半府

吳中諺 六首

有利無利但看二月十二 花朝日晴則百果多實

三月溝底白沙草變成麥 三月無雨麥乃有收

六月不熟五穀不結

秋孛鹿損萬斛 立秋日不宜雷

若要麥見三白 冬至逢第三戌為臘臘前雪三次謂曰三白大宜菜麥

除夜犬不吠新年無疫厲 除夜宜靜

常州語

江陰莫動手無錫莫開口 江陰人拳勇無錫人善歌

惠山謠

惠山街一名綺塍街夾路古藤喬木謠云

惠山街五里長踏花歸鞦韆底香

解州歌

永樂中浮梁吳惠知解州民歌曰

吳父母恩何溥昔憔悴今鼓舞

山西謠

正德中歷城徐暹為山西副使時有巨寇號混

天王劫掠郡縣暹以計平之民乃語曰

不發一矢賊乃盡死不荷厥戈賊死實多

吳公謠 二首

吳江吳山為山東副使獄無滯囚時有塞井復

漂民為謠云云既而遷福建按察使聽訟明允

民又謠云云

彼泥者泉弗浚而復錫我則福

鳳之棲其雛來儀民具是依

諸城縣漢王山西南五里有卷簾莊雖嚴冬無霜
降邑人諺云

卷簾莊秋冬不下霜

德州諺

德州苦水舖土人素狡諺云

苦水舖神仙過留筒布

山東謠

霑化李魯生日照李蕃天啓中交結奄宦以鬻

爵為事青兗間謠云云後魏璫敗魯生蕃俱以

太僕少卿擬徒

若要起問二李

通許諺

通許婁良與同郡賈恪齊名兩人皆中正統進

士邑人諺曰

婁良賈恪氣如山嶽

太康謠

博興韓珙令太康多異政蝗不入境民謠曰

欲蝗不復墮須是韓公過欲蝗不為災須是韓公來

禹州歌

上海潘恩知禹州州人語曰

莫相仇避潘侯

郭公讖

嘉靖元年河南巡撫何天衢命百戶元修月堤
發一古冢塋上朱書云云塋空其中人以為琴
几

詩話崇禎中帝製於變時
雍琴曲曾取此塋入禁

郭公塋郭公墓郭公逢著元百戶巡撫差爾修月隄臨
時讓我三五步

慶陽軍中語

洪武初張良臣復據晉陽以叛其兵精悍養子

七人咸善戰軍中語曰

不畏金牌張但畏七條鎗

臨洮歌

潞城劉昭宣德中為臨洮尹多仁政民歌曰
野有流民惟侯集之邑有田疇惟侯闢之古人謹獄惟
侯哀之有此三惠孰不懷之

塘下童謠

台州太平縣塘下戴某與方谷真婚戴氏將敗
童謠云云及洪武末戴氏竟籍沒惟二女出嫁
存焉

塘下戴好種菜菜開花好種茶茶結子好種柿柿蒂烏

摘了大姑摘小姑

羅太守歌

桂陽羅以禮永樂中守紹興寬猛得宜遇雨暘
不時往禱輒應民歌曰

太守羅以禮祈晴得晴祈雨得雨

二洪歌

莆田洪楷從子珠後先知紹興府崇尚名教人
歌之曰

大洪小洪先後同風

湯太守歌

安岳湯紹恩為紹興守瀕海潮至滄沒田舍紹
恩為築隄建閘以時蓄洩闢田數千畝越人歌
之曰

泰山巔高於天長江水清見底功名如山水萬古留青
史

越人語

長清李僑嘉靖中知紹興府多惠政時知山陰
縣事李某不得於民每出則以兩鐵索前導而
僑必懸兩爐焚香越人語曰

府香爐縣鐵索一為善一為惡

平湖諺

平湖俞獻字廷貴有行誼熊卓知縣事引與計

事行之民輒曰神明或干以私遂謝弗與通里人諺曰

郭東俞生當春握冰

嘉興語

金溪洪範知嘉興縣事承知府楊繼宗之後廉

靜寡欲士民語云

洪令楊守承前啓後

童謠

狸狸斑斑跳過南山南山北斗獵迴界口界口北面二十弓箭

詩話此予童穉日借問巷小兒聯臂躡足而歌者不詳何義亦未有驗

饒州歌 二首

陶安知饒州當入覲民為之歌云云既而復命

守州事載歌云云

千里榛蕪侯來之初萬姓耕闢侯去之日

湖水悠悠侯澤之流湖水有塞我思侯德

賈推官謠

嶧縣賈訪弘治中為建昌推官大當至廷辱郡

守以下官訪獨與抗禮民謠云

知府一堆泥同知一凶土若非賈推官壞了建昌府

南豐歌

通州馮堅洪武中為南豐典史一作南豐知縣海陽戴瑀政平訟

理民懷其德歌曰

山市晴山鳥鳴商旅行農夫耕老瓦盆中冽酒盈呼蹕
隳突不聞聲

南豐歌

建德陳勉景泰中為南豐知縣百廢具舉民歌
之云

大尹陳政事新男耕女織歌陽春

江西謠

弘治中吳江王哲巡按江西有威名民為謠曰
江西有一哲六月飛霜雪天下有一哲太平無休歇

安仁語

南海洗光正德中知安仁縣能辨疑獄百姓語
曰

民無冤訟有洗燈籠訟無滯屈有洗三日

九江語

萬衣為南京刑部主事頻夢其父心動請急歸
抵家九日父沒里人為之語曰

萬孝子生知死

建昌民謠

晉江吳夢相為建昌府推官遷南京大理評事
時人語曰

吳公吳公行李皆空公道服人私情不通

浮梁謠

浮梁人吳十九善製磁器士大夫多與之游時
人語云

成窰太薄永窰厚天下馳名吳十九

萬安上灘謠

一灘高一丈南安在天上

萬載謠

萬載翟昌甫家貧樂道好讀書春夏移書於佛
塔秋冬樓居里人諺云云後以人才舉為郎
春夏塔秋冬樓風吹四面搖昌甫獨不憂

童謠

蒲圻陳文禮字貴和洪武三年由貢生授監察
御史有冤獄久不決童謠云云文禮悟曰罪人
必康七也果如其言

斗穀三升米說與陳文禮

王捕虎歌

清苑王哲為湖廣布政使廉正彥明人不敢干
以私歌之曰

王捕虎最執古囊無錢衣有補

漢陽民歌

廣州何澹字中美以天順中進士知漢陽府民
歌之曰

何太守築漢陂飢得食寒得衣

陸青天謠

嘉善陸邛知武昌府郡人謠曰

陸青天口明月青天無不青明月有時缺

辰州苗民語

不畏官軍但畏糶屯

沈融谷云苗民負固恃有千萬山峒軍退則突出軍至則潛藏惟官軍糧多築長圍困之其所畏也

辰州田家諺

二首

四月八日晴魚兒上高坪

十日雨連連高山也是田

詩話廣信府志亦載此語

蜀人語

安陽崔陞任四川參政與僉事曲銳竝有威名

蜀人語曰

崔參曲僉屹如雪山

崇慶諺

崇慶俗尚浮屠萬輔居喪獨遵家禮鄉人化之

諺曰

萬輔一呼喪禮皆儒

蜀中謠

蜀寇黃中據支羅砦與牛欄坪相望里許萬山

斗絕目為天城謠云

打得支羅砦金珠滿船載打得牛欄坪換箇成都城

播州語

楊友與楊愛兄弟相仇兩州為之不寧土人語云

骨肉鸞醢參商播凱

萬曆二十七年播酋叛勢甚張十月鄉人譚經歷怒避兵深巖忽聞石裂有文在石上云云巡撫郭子章鏤板以傳賊中明年賊果滅

聚山巖人化血石壁壞諸蠻絕

蜀諺

豔瀨冒頂黑石下井

惠安語

洪武中三河安景賢知惠安縣事民頌之曰安公莅止視民如子

興化謠

正德中進士岳池馮馴守興化民謠曰

馮太守來何遲胥吏瘠百姓肥

閩中語

布衣高澂傳汝舟從鄭善夫游學為詩閩人為之語曰

尚垂股傅脫粟言斷斷中歌曲

葉君歌

隆慶中歸善葉春及知惠安縣民愛之如慈父

田言然卷一百
十七
歌之曰

葉君為政惟飲吾水設施不煩五風十雨

福建語

會稽商為正萬曆初巡按福建與巡撫都御史
龐尚鵬協心共事百廢具興福建語云

恤我甘苦龐父商母

閩中謠

嘉興譚昌言為福建提學人有投私書者槩不
發試竣題數行裏原書復之閩人語云

來一封去兩封以為不信視郵筒

吳公歌

崇禎中新安吳彥芳為莆田令有惠政秩滿去
新縣令催科嚴民乃思吳公歌曰

陽春何去霰雪何來父邪母邪翳惟我懷

武夷諺

一曲一灣一灣一灘

泉州語

洛陽橋一望四里皆琨瑤

莆田諺

橘子黃醫師藏

順德謠 二首

嘉靖初餘姚金蕃知順德縣初政尚嚴民謠云

云比及暮豪強斂獄訟減民復謠云云

朝鰓鰓毛厥施乎夕棫棫石厥畫乎勞乎勞乎盍燕以
敖乎

華蓋之屹屹不如尹之無泐碧鑑之粼粼不如尹之無
津長我禾黍穀我士女吁嗟乎膏雨

順德謠

德清胡友信宰順德邑多盜懼民輕法頗尚猛
厲凡獲賊腊其鼻或投諸淵聞者震驚謠曰
山有虎邑有胡無捋其鬚

惠州歌

福州鄭天佐為惠州通判善折獄民歌之曰

縣遲延府一年但懇鄭青天訟無滯民不冤

高州歌

開縣嚴琥同知高州府時大饑琥捐俸以賑民
歌曰

治我嚴父生我慈母

雷州歌

永樂中天台黃敬知雷州府先是郡多囚繫敬
至數日悉為剖決獄盡空民歌之曰

黃公來遲使我無依今公莅政惠我無私

瓊州民謠

瓊州蠻黎岐習馳射自稱神弓高曆十四年為

官兵所敗請降民謠云
弛神弓來歸降

儋州諺

儋俗事神有上帝會天妃會鄧天君會羊元帥
會鑾輿五采迎神十百大饗于村中景泰天順

間諺云

柳英有銀兒子跳神洪全有金阿母賣鍼

廣東諺

飢食荔支飽食黃皮

屈翁山云黃皮果狀如金彈六月熱其漿酸而除暑熱與荔支並進荔支饜飲以黃皮解之

蛇珠千枚不及玫瑰

潤蚌之胎有玫瑰文魷之腹有美玉

文魷鳴美玉生

屈翁山云高州海中有文魷鳴似磬而生玉

多食馬蘭少食芥藍

屈翁山云馬蘭食之養血芥藍不宜多食

廣州諺

七首

爾有垣牆我有火秧

屈翁山云火秧叢生成樹四稜有芒刺廣人以作籬落

嬰兒瘦探石穀

屈翁山云石燕產西樵巖穴中足生翼末小兒羸瘦取食之

家有竹雞啼白蟻化作泥

屈翁山云竹雞形如鷓鴣褐色斑赤文啼曰泥滑滑白蟻畏之

秋冬食麀春夏食羊

朝為泡魚暮為蒿豬

屈翁山云泡魚大如斗身有棘刺化為蒿豬齒長入海復化為魚

霜蟹雪螺味不在多

石灣瓦勝天下

粵諺

韶州水急至險者為牯牛灘舟子語云

行過牯牛五石灘寄書歸去報平安

過得牯牛舟子白頭

大廟峽歌

清溪濛裏

二驛名
路多虎

早眠晏起

肇慶府謠

二首

西水自廣西來每歲夏至後淫雨暴漲謬云

水浸釣魚臺上下不得來

釣魚臺峽
中山名

西水漫漫魚蟹滿盤

瓊州謠

二首

瓊州以海水占年海水熱則荒謬曰

海水熱穀不結海水涼禾登場

海南多陽一木五香

瓊州謠

瓊州東界地瘠以羊骨壅田終無穫腴壤多在

西故謬云

東路檳榔西路米糶

徭人謠

羅旁徭九星巖有石其底空洞撞之淵淵作鼓

聲每出劫人擊之以為號其謠云

撞石鼓萬家為我虜

粵西謠

思播田揚兩廣岑黃

言宣慰氏族之大也

花瓦謠

田州女土官瓦氏嘉靖十四年調之征倭至蘇州索有司捕蛇為軍中食敗倭於王江涇時人語云

花瓦家能殺倭腊而啖之有如蛇

華林謠

江西華林洞賊反檄田州土官岑猛征之猛兵沿塗剽掠民皆徙邨避之謠云

華林賊來亦得土兵來死不測

藤峽謠

自藤峽徑府江三百餘里諸蠻互為死黨出劫商船得人則剗其腹投之江中峽人謠云

盎有一斗米莫泝藤峽水囊有一百錢莫上府江船

永通峽謠

藤峽平後正德間遺孽漸蔓峽南尤甚橫江禦人莫可禁制都御史陳金以諸蠻所嗜魚鹽乃令商船度峽者以此委之道稍通金疏其事請名永通峽詔從之未幾諸蠻征索無厭稍不愜意輒掠殺之潯人謠云

昔永通今求通求不得葬江中誰其作始噫陳公

妖巫歌

金陵初建滇南段寶遣其叔真自會川奉表歸
款朝廷亦以書報之時有妖巫女歌云

莫道君為山海主山海笑諧諧園中花謝千萬朵別有
明主來

永寧語

雲南永寧蠻塞矢不刺非於宣德四年糾合四
川鹽井衛土官馬刺非殺永寧土知府各吉八
合已命卜撒襲職矢不刺非復殺之永寧人語

云

土官數奇逢兩刺非

曲靖歌

成化中灌縣焦韶知曲靖府境產瑞禾民歌曰
禾本二穗嘉穀滿田太守焦公仁德及天

楚雄歌

先大父君顯府君諱大競吳江潘未填諱知楚雄府政尚
廉靜甫半載丁內艱幾不能治裝歸郡人歌曰

清貧太守一世難百鳥有鳳鳳有鸞

滇中諺

山蠻不落葉地蠻湯自熱

貴州謠

鄰水楊純以監察御史按貴州任滿百姓乞留
一年詔許之民乃謠曰

鄰水楊但願年年巡貴陽

貴州宣慰司居水西曰烏蠻為烏羅羅居募役曰

白蠻曰白羅羅諺云云言至死猶鬪也

水西羅鬼斷頭掉尾

貴州諺

黃平鐵興隆雪

苗人謠

苗家讎九世休

黔中諺 三首

天無三日晴地無三尺平

四月八凍殺鴨

九月重陽移火進房

陳父歌

印江陳表知廣元縣事與利州衛雜處軍強民
弱表申明制度以服武弁民歌曰

古來力役軍三民七陳父定之彼此畫一家用平康
者獲息

翰林諺

翰林九年就熱去寒

蘭江諺

金家梁舊酒香

明詩綜卷一百

明詩綜卷一百

詩

